


پیرانسر

پنایت، دج و مراشی ائمه معصومین (علیہم السلام)!



علی اکبر علی اکبری (علیہ السلام)

سیرانسر


پندیّات ، قِطَع ، مَدایح
و مراثی ائمه معصومین علیهم السلام

اثر اوّل :

علی اکبر علی اکبری « اُشتیین »

بِسْمِ اللَّهِ الرَّحْمَنِ الرَّحِيمِ

اِنَّ الْحَسِينَ مَصْبَاحَ الْهُدَى وَ سَفِينَةَ النِّجَاةِ



ایسترم دنیاده گُل ده اولماسام خار اولميام
قید و بندِ نفس آماره گرفتار اولميام
ایلور آللهدن تمنای شَفَقَت « اکبری »
نامۀ اعمالیمه باخسا زیانکار اولميام

بِسْمِ اللَّهِ الرَّحْمَنِ الرَّحِيمِ وَ بِهِ نَسْتَعِينُ

مقدمه

سپاس بیکران بر خداوند یکتا باد که آفریننده جهان و جهانیان و زمین و آسمانهاست. و درود بی پایان به پیامبران الهی به ویژه پیامبر بزرگ اسلام حضرت محمد ﷺ و جانشینان بحق او ائمه معصومین سلام الله علیهم اجمعین. و با سلام و درود به ارواح مطهر شهدای اسلام و جنگ تحمیلی و امام شهدا که با نثار جان عزیز خویش عزت و شرافت را به جامعه اسلامی به ارمغان آوردند.

و با عرض سلام و ارادت به پیشگاه مقام معظم رهبری، نایب امام زمان عجل الله تعالی فرجه و سکاندار کشتی انقلاب اسلامی حضرت آیه الله خامنه ای و با عرض ارادت و احترام به اُمت شهیدپرور ایران که به ندای رهبر فقید انقلاب حضرت امام خمینی ﷺ لبیک گفته و انقلاب اسلامی را که زمینه ساز ظهور آقا امام زمان عجل الله تعالی فرجه می باشد به پیروزی رساندند.

خدایا به ما توفیق ده که قدر این نعمت را بدانیم و ایثارگران. این راه پُر فراز و نشیب را لحظه ای فراموش

نکنیم . خدایا تو را سپاس می‌گویم که به بنده حقیر توفیق دادی تا بتوانم حرف دلم را به زبان شعر بیان کنم و تو خود بهتر می‌دانی که در این کار جز رضای تو منظور دیگری ندارم . امیدوارم که لحظه‌ای ما را به خودمان وامگذاری و همیشه مورد لطف و احسانت قرار دهی. آمین یا رب العالمین.

در پایان ، از ارباب فضل و کمال تقاضا دارم از لحاظ هنر شعر و ادب اگر نقایصی مشاهده فرمودند که حتماً هست ، چشم‌پوشی فرموده و در صورت تذکر با گوش جان آماده شنیدن می‌باشم . در خاتمه از کارکنان محترم لیتوگرافی ، چاپخانه ، صحافی و انتشارات احمدی ، بخصوص برادر بزرگوار آقای جعفر احمدی مدیر انتشارات احمدی تشکر و قدردانی می‌نمایم و امیدوارم که همیشه مورد الطاف خداوند بزرگ و حضرت ولی عصر (عج) قرار گیرند. انشاءالله.

با تقدیم احترام و التماس دعا

علی‌اکبر علی‌اکبری

اُشتبِین

اُشتبِین ، یکی از قدیمی‌ترین و زیباترین روستاهای بخش سیه‌رود ، از شهرستان جُلّفا در استان آذربایجان شرقی است که به علّت زیبائیهای طبیعی آن ، اخیراً از طرف سازمان ایرانگردی و جهانگردی استان ، به عنوان منطقه دیدنی و توریستی معرفی گردیده و سیرانسر که این کتاب نیز بنام او مُزین شده ، بزرگترین و زیباترین کوه در این منطقه می‌باشد که رودخانه همیشه جاری اُشتبِین از آن سرچشمه می‌گیرد. این کوه زیبا که در فصل بهار با انواع گُل‌های رنگارنگ آراسته می‌شود ، هر بیننده‌ای را مَجذوب خود می‌کند. در این کتاب علاوه بر پندیّات ، قِطَع « قطعات » ، مدح و مرثی ائمه معصومین سلام الله علیهم اجمعین ، اشعاری جهت آشنایی بیشتر و توصیف کوه زیبای سیرانسر و مناظر طبیعی اطراف آن و غیره ... سروده شده است که انشاء... ملاحظه خواهید فرمود.

با تشکّر علی‌اکبری

مُنَاجَات

بارِ اِلَها فکر و پندارم همه از بَهرِ توست
نیتِ کردار و رفتارم همه از بَهرِ توست

هر چه دارم از تو بوده هر چه کردم از تو بود
گه به درگاهت نیایش کرده‌ام گاهی سُجود
گاهی گریه ، گاهی خنده از پی بود و نبود

دائم از شوق تو سرشارم همه از بَهرِ توست

گر نباشد لطف تو بر دیدهٔ بینایِ من
وای بر حالِ تَزارم باشد و ای وایِ من
ای کریمایِ رحیم ، ای خالقِ زیبایِ من

عاشقِ دیوانهٔ یارم اگر از بَهرِ توست

گاهی مُشتاقِ کُلم کوی گلستان می روم
بهر دیدارِ طبیعتِ رو به بُستان می روم

نصف شب با سوز دل سوی شبستان می روم

ذکر درد و فکر دیدارم همه از بهر توست

گاهی بیمار فراقِ روی زیبای گلش

گاهی مسرور از نوید وصل دیدار رُخش

گاهی سرمستم به عشق ماه زیبای رُخش

بیم‌ها اُمیدها دارم اگر از بهر توست

کی توانم ذکر شُکر نعمت عَظما کنم

بر حریم قُدس ولایت رهی پیدا کنم

این دلِ شوریده را در عشق تو شیدا کنم

رَمز و راز سوز و سازِ « اکبری » از بهر توست

**

مُنَاجَات

بارِ اِلَها دردمندم چون دوا مُشتاقِیم
عاشقِ کوی وفایم خوش صفا مُشتاقِیم

مهربانا خالقا ای رحمةً لِلْعالمین
ای امید و آرزو و مَلْجأً مُستضعفین
گلمیشم درگاه با إِخلاصوه من شرمگین

بار سنگین گُناهیله لِقا مُشتاقِیم

بندۀ خوار و ذلیل و روسیاهم ای اِلَهِ
کیمسیه یوخدور گُمانیم بی پناهم ای اِلَهِ
بندۀ عاصِیم و غرق گناهم ای اِلَهِ

باب احسان و گرامتدن عطا مُشتاقِیم

لطف و احسانون سنون شامل دور هر جُنبدیه
 دائماً رحمتله درگاهون آچوخ دور بَندیه
 بیر نظر قیل لطفیله بو بیکس و شرمندیه

آه سوزیله نگاه کبریا مُشتاقیم

عزّت دنیا و عُقبانی وئرن سن سن خدا
 عشق و ایثاريله احسانی وئرن سن سن خدا
 عالمه نظم ایله سامانی وئرن سن سن خدا

ای مُنظّم نظم کُلّ ماورا مُشتاقیم

ای گرامت صاحبی ای حیّ علامّ الغُیوب
 ائتمه رسوا بندهوی یا رب سَتّار الغُیوب
 عفو قیل احسان ایله یانور غفّار الذُّنوب

عُذر خواهم نادمم لطف و سخا مُشتاقیم

باخمشام دوزدور هوای. نفسیمه خوار اولموشام
 دیو نفس و دیو جُهَّاله گرفتار اولموشام
 گنج عمر آلدن گیدوبدور چوخ زیانکار اولموشام

دویموشام آغیارلردن آشنا مُشتاقیم

سائلم لطف ایله سن ای معدن جود و سخا
 من خطا ائتدیم ولی سن ائتکلن یا رب عطا
 « اکبری » قیرماز اُمیدین قلبده واردور رجا

درس آلوب لا تَقْنَطادن چون رجا مُشتاقیم

*

السلام عليك يا ابا عبدالله

یانام غمونده آتش سوزانه یا حسین
جانلار فدا سنون کیمی جانانه یا حسین

قربان اولوم او نهضتوه انقلابوه
الهام اولوبدی امت ایرانه یا حسین
قربان اولوم دوداقلرون ذکر شکرینه
قتلگه ایچره سندن آخان قانه یا حسین
قربان اولوم شهادت و ایثار و حلموه
حفظ ائتدوقون او عهدیله پیمانه یا حسین
آزاده لر آلودولا سندن پیام عشق
مظلوم لر سلاحی دونوب قانه یا حسین
قربان اولوم او پرچموین قاره رنگینه
عزت و ثروبدی عالم امکانه یا حسین

قربان اولوم او گوزلره که دولدی قانیلن
 باخدی شکوه ایزد مٔانه یا حسین
 قربان اولوم غمونده عزا ساخلیانلره
 سن شمع سن اولاردیله پروانه یا حسین
 پروانه یانسا شمع گوره افتخار ایدر
 عیب ایلمه بو ناله و افغانه یا حسین
 قربان اولوم جوان بالاوین خطّ و خالینه
 پیغمبرون شبیهی او دُردانه یا حسین
 قربان اولوم سپهبد عالی مقاموه
 رسم وفانی تاپدی او فرزانه یا حسین
 قولسوز دوشنده تُپراقا زهراده دُزمدی
 گلدی هراینه او بیابانه یا حسین
 تُپراقلار اوسته یاتما اوغول گل قوجاقیمه
 ائتدی سلام او سینه سی سوزانه یا حسین

سسلندی قارداشیم منی درک ایله آلمان
 آخر نفسدور باخ بو پریشانه یا حسین
 سرباز بی زبانوه عالم اولا فدا
 باتدی آلوده قونداقی آقانه یا حسین
 قربان حسن نشانه‌سی قاسم جوانوه
 شربت بولوب شهادتی مَستانه یا حسین
 اهلا مِنّ الْعَسَل دیدی شهد شهادتی
 دین اوسته باتدی پیکری آقانه یا حسین
 قربان اولوم غلاموه قربان اولوب سنه
 چاتدی مقام و رُتبه شایانه یا حسین
 قربان اولاخ حبیبوه رنگین جمال اولوب
 آوان ایدوب مُحاسنین آقانه یا حسین
 امّ البنین نشانه‌سی عونيله فضلوه
 قربان اولوم او همت مردانه یا حسین

أحسن اولاً او حرّه که حرّ زمان اولوب
 توبه ایدوب یتیشدی او عُنوانه یا حسین
 قربان غمونده سینه و زنجیر وورانلارا
 یاس ساخلیوب قورالاً عزاخانه یا حسین
 نوحه دیوب مُصیبتوه آغلیانلارا
 قاره چکه‌له هر یره هر یانه یا حسین
 قربان اولوم او باشه که مَطبخده صبح ایدوب
 مَطبخ مکان اولوب مه تابانه یا حسین
 جانلار فدا حَرملروین اشگ و آینه
 خیمندن عرشه ایدن افغانه یا حسین
 قربان او خاندانوه یکسر اسیر اولوب
 پخش ائتدیله مَراموی هر یانه یا حسین
 ابن زیادی ائتدیله رُسوا دَکیلن
 نفرین ایدوب جمعیت او شیطانہ یا حسین

بیر نُطق ایدوبدی شامیده بیمار کربلا
 ائتدی یزیدی آبله و دیوانه یا حسین
 آغلاتدی اهل ظلمتی نورانی سوزلری
 نادم اولوب گلوردیله افغانه یا حسین
 فرمایش ائتدی آغلیوز هر لحظه هر زمان
 گور نیلدوز بو جمع پریشانه یا حسین
 زهرانی آغلادوب اوره گین داغلی قویدیلار
 نفرین اولا بو فرقه عدوانه یا حسین
 عرض ایلور « اکبری » سنه قربان توجه ائت
 بو دلشکسته سینه سی سوزانه یا حسین

*

اربعین حسینی

گلمیشم پابوسوه ای حامی قرآن حسین
زینبون بو آلتی گوشه قبروه قربان حسین

بیز گیدنده شامه قارداش پیکروز عُریانیدی
پاره پاره گل وجودوز آیه قرآنیدی
بو بلا دشتینده جسموز گل کیمی خندانیدی

کیم سیزی تاپشوردی تُپراقه شه خوبان حسین

بیز گیدنده اولمادی فُرصت سیزه یاس ساخلیاخ
اوخشیاق قلبی یانانلار تک دویونجا آغلیاخ
یاندی خیمه اولمادی شام غریبان ساخلیاخ

زینبی عفو ائتگلن که اولمادی امکان حسین

بولمورم که کوفه یا شامون جَفا سیندن دیوم
یا یزیدون مجلسی یا دل یاراسیندن دیوم
قول قوله باغلی حَرملر آه و واسیندن دیوم

اولموشام قَدّ خمیده جور آعدادن حسین

خارجی آد قویدیلار اولاد آل حیدره
چکدیلر بازار شام و کوفه ده هر مَعبره
ووردیلار دل یاره سی هر دم شکسته دلّره

گور نلر چکدی بو یورقون عترت نالان حسین

گزمیشم شاماتی قارداش حَقّی اثبات ائتمیشم
کاخ استبدادده بیر خُطبه ایراد ائتمیشم
ائتمیشیم رسوا یزیدی خانه بر باد ائتمیشم

قویمارام تاپسون بو نهضت ذرّه جه نُقصان حسین

ساخلیو بدور گور نجه قارداش امانت زینبون
 دورِ گلن قیزلاروی گتدی سلامت زینبون
 بیر رقیّه نندن گورا اولموش خجالت زینبون
 جان ویروب ویرانه ده اول نوگل خندان حسین

**

*

ای حسین جانم

ای سرور آزادگان ، ای حسین جانم
اسلامه وئردون تازه جان ، ای حسین جانم

سندن آلوب آزاده‌لر عشق و ایثاری
احسانيله عشاقه ائت بیر نظر باری
قانیله جدّون دیننه ایلدون یاری

سن سن عزیز شیعیان ای حسین جانم

وئردون رضای حق اوچون سودآمر اصغر
دوغراندی جسم اطهر شبه پیغمبر
قانه بویاندی قاسم اول نوگل آحمر

قولسوز دوشوب سرلشگرون ای حسین جانم

گیدی اسارت جامه‌سین عترت حیدر
شاماته سالدی ولوله دُخت پیغمبر
رُسوا یزیدی ایلدی زینب مُضطر

تا اولدی نهضت جاودان ای حسین جانم

بیعت آلوی وئرمدون آل مَرّجانه
قربان اولاخ سن باغلیان عهد و پیمانه
قانیله یازدون اُمّته عالی برنامه

ای با صفا ای مهربان ای حسین جانم

درک ائتکلن عشاقوی دیده گریانوخ
بیر عمر بو درگاهیدا زار و نالانوخ
کوی مِنا قربانینه بیزده قربانوخ

آرامش روح و روان ای حسین جانم

گوزلدور

گُشنده گُلون عطری گُلستانه گوزلدور
 گُل بَسله ماق اَلحق که هر انسانه گوزلدور

گُل مَظهر احساس و لطافتدور ازلدن
 عاشق لره بیر مَنظر زینت دور ازلدن
 اهل دل اوچون باب فضیلت دور ازلدن
 اَمّا هامودان آرتوخ او باغبانه گوزلدور

مشکل او زماندور که او گُلشن اودا یانسون
 ظلمون یلی آسسون بیله گُلزاره تالانسون
 بیر غُنچه سوسوزدان او گُلستاندا سارالسون
 واللّه سو یتورماق بو گُلستانه گوزلدور

حتماً که او باغبان چالشر سو آله گُلسون
 چون غُنچه ده دل یوخدی که آچسون دِله گُلسون

ناچاریدی آخرده ئوزی مقتله گلسون
 فرمایشیده لشگر عدوانه گوزلدور
 فرمایش ایدوب لشگره ای قوم ضلالت
 واردور نَقْدَر سیزده مگر کین و عداوت
 آلدن گیدور اصغر سو ورون تا اولا راحت
 سو یتسه یقین بو لب عطشانه گوزلدور
 شام اهلی دگوب بیر بیرینه اولدی مُکْدَر
 آرز قالدی که شورش دوشه اول صحنیه یکسر
 سعد اوغلی دیدی حرمله دور ایلمه تأخیر
 اوچ شُعبه‌لی اوخ بو قوزی قربانه گوزلدور
 سرعتله گلوب اوخ هدفه اولدی نشانه
 نازک بوغازین بیشدی قانین ائتدی روانه
 مظلوم آتاسی باخدی او قانه یانه یانه
 بو قان دیدی اول عهدیله پیمانه گوزلدور

زهراده‌دور

رُتْبَةُ وَالْإِمْقَامِ وَ مَرْتَبَتِ زَهْرَادِه‌دور

زِیورِ تَقْوَا وَ عَالِی مَنَزَلَتِ زَهْرَادِه‌دور

مَرِیم وَ سَارَا ایدِه‌لَه غِبْطَه قَدَر وَ جَاهِینَه

عَزَّتْ دُنْیَا وَ شَأْنِ آخِرَتِ زَهْرَادِه‌دور

أَحْمَدِ مَخْتَارِ ثَوَزِی أُمِّ ابِیْهَا سَسْلِیُوبِ

اَیْدِه وَ آمَالِ خَتْمِی مَرْتَبَتِ زَهْرَادِه‌دور

مَرْتَضَانُونِ هَمْسَرِی اَیَّامِ غَمْدِه مَوْنَسِی

قَدَرَتِ قَلْبِی اَزَلِ هَمِ عَاقِبَتِ زَهْرَادِه‌دور

کِیمِ وُثْرُوبُدُورِ زَیْنَبِ وَ کُلْثُومَه دَرَسِ مَعْرِفَتِ

مَعْدِنِ عِلْمِ وَ فُنُونِ مَعْرِفَتِ زَهْرَادِه‌دور

رَاضِی اَوْلَدِی حَکْمِ حَقَّه هَرِ بِلَایَه صَبْرِ اَیْدُوبِ

رَاضِی حَکْمِ قُضَا وَ مَرَضِیَّتِ زَهْرَادِه‌دور

سورۀ کوثر اولوب نازل اونون اوصافینه
 اوندان آرتوخ‌راخ مَرام و ماهیّت زهراده‌دور
 افتخاره باخ اولوب اون بیر امامین مادری
 رُبَّهٔ اُمِّ الائمّه اول جهت زهراده‌دور
 اهل ایمانه شفاعت ایلین محشر گونی
 شافع روز جزای آخرت زهراده‌دور
 سنده زهرانی شفیع ائت « اکبری » اعمالوه
 وار گناهون عفو ایدر چون مغفرت زهراده‌دور

*

سُلطان مظلومان

قبروه زوآرم ای سلطان مظلومان سنون
روضه باغ جناندور طاق ایوانون سنون

گنبد و گلدسته ون نوری دوشوبدور چوللره
مست ایدور عشاقوی اول عطر ریحانون سنون
جنتی حتماً سنون عطرون مُعطرّ ایلوب
عالمون بیر قرینه لایق دور بیر آنون سنون
سن رضاسن راضی اولدون حکم حی داوره
عالمه معلوم اولوبدور لطف و احسانون سنون
ایگلدیم اوپدیم گوزل قبرون زیارت ایلدیم
جنتی حیران ایدوبدور باغ رضوانون سنون
سن آنان زهرا جانی اسلامیانه قیل نظر
یوخدور شُبهه جاریدور هر یرده احسانون سنون

جان وئرن ساعت رضا جان درک قیل زوآروی
 ایسته تا عفو ایله سون عُصیانی یزدانون سنون
 مَلّت ایران عزیزا عشقوون نالانیدور
 سنده گل احسان ایله کامل دور احسانون سنون
 عرصه دنیاده قویما تک قالا عشاقوی
 سن بولورسن وار نقدری یارِ نالانون سنون
 لیک صد افسوس جدّون روضه سی پڑمُرده دور
 باغلی دور یولّاری قبر جدّ عطشانون سنون
 کاش اولیدوخ کربلا ده زائر قبر حسین
 اوردادا گریان اولیدوخ مثل زوآرون سنون
 بیزده بیر لای لای دیدوخ اصغرون قُندا قینه
 ساخلیو بدور سینه سینده جدّ عطشانون سنون

ناخدا گلدی

یتیشدی سۆم شعبان گنه مهر و وفا گلدی

آچیلدی مَطْلَع اَنوار حق شور و نوا گلدی

خبر وئر باغبانه صحن گلزاری بَزندیرسون

که نرگس نَسترن لاله بنفشه برملا گلدی

بوتون عاشق لری جمع ایلون بیر خطّ سیر اوسته

دیون دنیای خاکیده سیزه بیر رهنما گلدی

نه غم طوفان دریادَن نه باک افکار اعدادن

که بَحْره کشتی ناجی و قومه ناخدا گلدی

قرانلوقلر چکیلدی یر یوزین اَنوار حق دوتدی

هدایت نوری دنیایه چاخوب خون خدا گلدی

حسین دنیایه گلدی تا شهادت مکتبین آچسون

قالان ظلم آلتدا انسانلر آیلسون خوش ندا گلدی

اوجالسون پرچم اسلام و دینون رونقی آرتسون
 منافق مُنکر و مُلحد اوچون روز عزا گلدی
 دیه لَر چون حسین دنیایه گلدی گوزلرین یومدی
 اِشیدجک بو سوزی فوری حضوره مُصطفی گلدی
 حسینون قُنداқин آغوشه آلدی حضرت خاتم
 گوز آجدی باخدی مولایه هامی قلبه رجا گلدی
 حسینون مکتبندن درس آلانلار چوخدور دنیاده
 شهادت شربتین نوش ائتماقا چوخ آشنا گلدی
 بو یولدا پیشتاز خط ، سپاه پاسدار اولدی
 که چوخ صدق و صفا گورستدی چوخ ده بی ریا گلدی
 اولوب مست لقاءاله دلینده رمز یا الله
 پوزوبدور دشمنون برنامه سین اول با وفا گلدی

**

گلہ جاق انشاء...

مہدی اول مُنجی انسان گلہ جاق انشاء...

گلوب اسلامیته جان وئرد جاق انشاء...

بیرق عدلی آچوب پرچم کُفری یخا جاق

یر یوزین عدلیله یکسان ائده جاق انشاء...

ظالمه هامی دوروب ظلمینی توجیه ایلمه

ظالمون کاخینی ویران ائده جاق انشاء...

مُنحرف یولّا ریلن مردمی اغفال ایلمه

یر یوزی تابع قرآن اولاجاق انشاء...

دردمندان و ضعیفان جهان غم یمیون

دردوزه چاره و درمان گلہ جاق انشاء...

جان وئرندہ شُہدا دِلدہ اونی سسلہ دیلر
 شہدانون قانینہ قان آلا جاق انشاء...
 بالاسی باشلادوقی نہضت اونون ایده سیدور
 او گلوب نہضتہ فرمان وئرہ جاق انشاء...
 « اکبری » مُژدہ آپار حق یتہ جاق صاحبینہ
 باطلون ریشہ سین از دم قیراجاق انشاء...

ای نگاریم گل

هایانداسان گوزیمون نوری ای نگاریم گل

تالاندی صبر ائویمیز قورتاروب قراریم گل

نه وقته تک گوزوموز یولدا گوزله سون یولوی

گوزون فداسی اولوم یار گلُعداریم گل

محبت اهلی سنون وصلوون اُمیدنده

اُمیدیلن یاشیور چشم انتظاریم گل

دومان دوتوب یر اوزین چَم باسوبدی اولکه لری

ایشیقلی صُبحه باخور گردش مداریم گل

یقین که سن گله سن یر یوزی مُنور اولار

سَنیله آرتوق اولار عزّ و اعتباریم گل

جهان عدالت ایدور جستجو عدالت سن
 سنون قدملروه گل لمر بهاریم گل
 یتوب حکومت حق جدوون سلاله سینه
 گوزون تیکوت یولوا رهبر و دیاریم گل
 سنون وجودون اوچون افتخار ایدور ایران
 یوبانما هجرون ایدوب تیره روزگاریم گل
 یانان اورگلره مرهم سنون جمالوندور
 تب فراقه یانوب قلب داغداریم گل
 اگرچه « اکبری » لایق دگل زیارتوه
 ولی یولوندا قالوب چشم اشگباریم گل

*

ای شاه لا فتی علی علیه السلام

ای شه لا فتی علی سرورِ اولیاء علی
خلقت آفرینشه گوهر پُر بها علی
دردیمیزه دوا علی قلبیمزه شفا علی

زینت و قُرب اولیاء وارثِ مصطفی علی

کیم ایلیر او جرأتی کعبه‌ده وضع حمل ایده
کعبه محلّ آمن دور مُشگلون اولسا حلّ ایده
هانسی بشرده سابقه وار اورا مُنفعیل گیده

پار چالانوب دیوار ثوزی یول دیدی خوش صفا علی

کعبه‌نی مُفتخر ایدوب گلدی وجودی ظاهره
قویدی قدم او محفله جسم عفیف و طاهره

مولود کعبه آدلانوب حق ئوزی گلدی ظاهره

کعبه تاپوبدور صاحبین سسلدی مَرَحبا علی

هانسی مقامیدور گزور کوفه ده بی نوالری

نصف شب ایله یاد ایدور بی کس و بی دوالری

هم غُربانی آختارور هم فقیر آشنالری

همّت جاودانوه جانلار اولا فدا علی

خندقی بر هم ایلوب خیبری آله گزدوروب

عمروی نصف ایدوب ولی حلمی جهانی دولدوروب

نصف شبون عبادتی رنگ و رُخینی سولدوروب

رَزمده خطّی سیندیران شیر نر خدا علی

کیمدور حسینی بسلین کرب و بلا مناسینه

زینبه تربیت وئروب اوخشادان ئوز آناسینه

وار یوخونی فدا ایدوب خالقنون رضاسینه

فاطمه تک مُقَدَّسه همسر با وفا علی

هانسی سَخی باغشلیوب سائله حال سجده ده

دُرّ گرانبهاسینی قیمتی عالی حدّده

ایستمیوب او حالدا سائلی خالی ردّ ایده

اولمیوب هج مقامیدا سنده اولان سَخا علی

کیم وئروب ئوز طعامینی سائله احترامیلن

درک ایلیمسیرلری حُرمت بیکرانیلن

حُرمت ایدوب مَساکینه عَزّت و افتخاریلن

نازل اولوبدی شَانوه آیّه هل آتی علی

هانسی امیر . اسیرینی سن کیمی محترم سایوب

ئوز یئدوقی طعامینون نصفینی قاتله وئروب

قاتلینی او حالدا عدله سفارش ایلوب
 عالمی حیرته سالوب سنده اولان صفا علی
 هانسی مُبارزون اولار سنده اولان شهامتی
 هانسی مُقَسَّمون اولار سنده اولان عدالتی
 بیر گوره اهل بیت ایلن اُمّتینی رعیتی
 گلمیه جاقدور عالمه سن کیمی پیشوا علی
 هانسی قدم که پاکدور راه علینی طی ایدر
 هانسی قلم عزیزدور مدح علینی ثبت ایدر
 ایلیه بولمز « اکبری » هر نقدرده جَهد ایدر
 وسعت بیکرانیدور قدرت ماسوا علی

آئینه حق نما علیدور خورشید جهان نما علیدور
 شایسته ترین وصی احمد لا شُبّه و مُطلقا علیدور

یا ابوالفضل

ای لشکر حسینه سرکرده یا ابوالفضل

از بردی اسم پاکون دلرده یا ابوالفضل

ای بذل ایدن وجودین ایمانینون یولوندا

قربان اولان مناده قرآنینون یولوندا

باشدان گچن او عهد و پیمانینون یولوندا

گیتدی باشون دالیجا قولاردا یا ابوالفضل

رزمندگان اسلام سندن شهامت آلدی

مردان آزموده رمز شجاعت آلدی

حلم و صلابتوندن درس رشادت آلدی

کرب و بلا یاراتدی هر یرده یا ابوالفضل

ایران اولوبدی مولا کرب و بلا مناسی

یاسه باتوب غمینده چوخلی جوان آناسی

قانیله اولدی رنگین آلرده طوی حناسی

طوی حجله سی قورولدی سنگرده یا ابوالفضل

ماه مُحَرَّم گِنه گَلدی

ایّام فراغت قوتاروب غم گِنه گَلدی

آیلار دولانوب ماه مُحَرَّم گِنه گَلدی

ماتم دوتولوب بَزم عزاخانه قورولدی

مسجدلره زینت وثریلوب قاره ورولدی

بیر دفعه ده گوز کاسه سی خونابیله دولدی


گورسندی علامت قرا پرچم گِنه گَلدی

ای شیعه بو آیدا شه دین قانه باتوبدور

اشارار دَنی دیننی دنیایه ساتوبدور

آحرار جهان مُحنت دیرینه باتوبدور

غم حَدَن آشوب گُل لره شبِ نیم گِنه گَلدی



با آهنگ شبانگاهان

حسین جان سن بول آنان جانی دردیمر واردور سنده دور چاره
 آلوبلر چوخلر بو درگهدن مطلبین بیزده گلمشوخ زاره
 حسین مصباح الهدایتدور ، حسین دریای گرامتدور
 بوش یولا سالماز باسختدور

خلیل الله وئردی بیر قربان قبله گاه عشقون مناسیندا
 هامی حسرتله قالوب حیران عشق و حال پیرون صفاسیندا
 حسین یتیمیش بیر نفر قربان ، ایدوب بیر گون فدیة جانان
 باتدی آلقانه با لب عطشان

سنون عشقونله جوانلارمیز بذل ایدوب جانین راه جانانه
 وفای عهد ائتدیلر سنیلن باغلادوق اول عهدیله پیمانه

ایچوبلار می جام وحدتدن . آلوبلار فرمان ولایتدن

ردّ اولوبلار مرزِ شهادتدن

باتوبدور چوخ حجله گه قانه جان وئروب قانلار اهل ایرانه

آلوبلار قاسم و اکبردن عشق و ایثاری مردِ مردانه

باتوب قانه حق مناسیندا ، حسین عشقینون هواسیندا

جان وئروبله وطن کربلا سیندا

شهید شمس‌اله‌ایلّٰن دهقان سالگردوزدور جمع اولوب ائل‌لر

شهید صالح و مُحَرَّمی جان سیزه قربان تَز سولان گُل‌لر

یتوبسوز سیز وصل جانانه ، باتوب گُل پیکرلر روز قانه

قالمیشوخ هجروزده یانه یانه

به مناسبت سالگرد شهادت شهید شمس‌اله رضوی و شهید سید

صالح مرتضوی و علی دهقان و همچنین شهید بهادر مُحَرَّمی که از

شهدای گرانقدر روستای «اُشتیین» می باشند . اشعار فوق گفته شد .

قانیله آواندی کربلا

یا رب نیه بو قدری پریشاندی کربلا
 قانلار آخوبدی قانیله آواندی کربلا
 آخر بو یرِ قدری گرَکدور بَلا گوره
 دائم دچار حملة عُدواندی کربلا
 روز ازل گیوبدی بَلا رختین آگینه
 آلاَندا وار عزالیدور گریاندى کربلا
 مأمن اولوبدی بعثی لره آجنبی لره
 پیغمبر اهل بیتنه زنداندی کربلا
 صدمه یتوبدی شیر خدا بارگاهینه
 یاسه باتوب نجف هله گریاندى کربلا
 باغلاندی حوزه نون قاپوسی سیندی مأذنه
 گلمور اذان سسی بو نه دوراندی کربلا ؟

عبّاس روضه‌سی هدف توپ و تانک اولوب
 طوفان دوشوبدور هریره لرزاندی کربلا
 یالّلعجب سکوت ایلیوب صاحب حرم
 عبّاس صبرینه هامی حیراندی کربلا
 بو رسمیدور حرم قوشی حُرمتلی ساخلانار
 امّا سنون قوناغلارون دوغراندی کربلا
 حجاج لر گیدوب یرین عبّاسی لر آلوب
 ظلمون بناسی بیزلره چوخداندی کربلا
 صدّام روسفید ایدوب آل اُمّیه‌نی
 جدّی یزید و رُتبه‌سی شیطانندی کربلا
 اون ایل بویوندا یخدی نقدر دودمانلاری
 قاندان هنوز دویمیوب عطشانندی کربلا
 قان توکماقا مُجوّز آلوب ابن سعیدین
 فرمان وئرن بو ناکسه ریگانندی کربلا

بعثی لرون جنایتی حدّن آشوب داشوب
 صدّام عُمَرینه خط پایاندی کربلا
 یا بن الحسن باشون ساق اولاه غم سنونکیدور
 تعجیل قیل ظهوره نالاندی کربلا
 ناحق ئولنلرون ئوزون آل انتقامینی
 واللّه بو مسئله سنه آساندی کربلا
 مظلوم اولوبدی شیعه لرون دربدر دولار
 آهو کیمی بیر عدّه سی ویلاندی کربلا
 آیا رَوادی جدّون حسینون مزارینه
 گویدن یاغور گُلوله چو باراندی کربلا
 صدّام آفلقی نه بولور کربلا ندور
 هر ذرّه تُربتون بیزه درماندی کربلا
 سنده یاتوبدی یتیمیش ایکی دُرّ پُر بهّا
 حُرمتله ساخلا اونلاری مهماندی کربلا

باش سیز بدنلرون باشینون گور بلاسینی
 باشلار آرالی جسملر عُرِیاندی کربلا
 دنیانی یانديران ولی آلآن بو یاره دور
 خفاش آلله گُنبدی ویراندی کربلا
 اعلان ایدوبدی روز عزا رهبر عزیز
 هامی دوران بو گون سنه ایراندی کربلا
 زوآرلر گلوب توزوی اشگیلن یوار
 هجرونده گوز یاشی بیزه عمّاندی کربلا
 آللهدن ایسته « اکبرینی » پای بوسووه
 بیر آن زیارتون بیزه مین جاندی کربلا

اشعار فوق در تاریخ سوّم خرداد ماه ۱۳۷۰ شمسی و اعلام روز عزا
 به خاطر حمله نظامیان صدام به عتبات عالیات گفته شد.

سلام اولسون سنه

ای اسیر گوشهٔ زندان ، سلام اولسون سنه
مبدأ احسان بی پایان ، سلام اولسون سنه

جَدِّ پاکوندور نبی مصطفیٰ خیرُ الْبَشَر
رهنمای اُمّت اسلام اودور والاگهر
رحمت و اَلطافی شاملدور جهانہ سر به سر

مُسلمینه نعمت شایان ، سلام اولسون سنه

شیر یزداندور بابان خیبر شکن باب النجاة
ضرب شمشیری و ثروب اسلام اوچون آب حیات
زاهد شب زنده‌دار و اُسوةٔ جنگ و جهاد

وارث علم شه مردان ، سلام اولسون سنه

کیمده وار زهرا آنان تک عزّ و شأن و احترام

میوه باغ پیمبردور ئوزی والامقام
 گرچه آز عمر ایلوب اما اولوب علمی تمام
 قبریده گزلینده دور الآن : سلام اولسون سنه

صادق آل محمددور آتان عالی مقام
 مکتبندن درس آلوب دورد مین نفر معروف نام
 افتخار ایلر مقام و علمینه دنیا تمام
 قوی دیلسون قالماسون پنهان، سلام اولسون سنه

بیش نفر باب الحوائج وار بیری سن سن آقا
 دردمندان و ضعیفانه شفا سن سن آقا
 کعبه آمالیمزده وار صفا سن سن آقا
 سنده دور مهر و وفا عرفان : سلام اولسون سنه

گیچدی عمرون گوشه زنداندا سوز و آهیلن

ایلدون زندانی خوش مَحفل مقام و جاهیلن
باشلادون راز و نیازی سجنده اللهیلن

ای وجودی حجت سبحان سلام اولسون سنه

بولمورم علّت ندور دویدون بو دار فانیدن
ایستدون معبودیدن ائتسون رها زندانیدن
استجابت اولدی خواستون مَحفل یزدانیدن

غُل و زنجیر آلتدا وئردون جان ، سلام اولسون سنه

سن بو گون آزاد اولوبسان مَحبس بدخواهَدَن
فارغ اولدی گُل وجودون زَجَر قعر چاهدن
بیزده قورتاردوخ بو گوندا ظلم و جور شاهدن

پی رَوزدور ملّت ایران ، سلام اولسون سنه

ملّت ایران بو گون جلاّدی تختدن سالدیلار

قان وئروب جاندان گیچوب عزّو شرافت آلدیلار
صفحهٔ تاریخیده بیر برگ زینت قالدیلار

حاکم اولسون ایستیور قرآن ، سلام اولسون سنه

باش گوتوردی قاچدی هارون زمانه الّفرار
پارچالاندی آبر ، اولدی ماهِ تابان آشکار
حق یرینده اگلشوب اولموش حقیقت برقرار

اولدی کامل نعمت یزدان ، سلام اولسون سنه

« اکبری » یاز شعروی موسی بن جعفر عشقنه
عشقون اولسا قاتِ گلن دنیاده رهبر عشقینه
وئروخ آللهی قسم ساقی کوثر عشقینه

یر یوزیندا حکم ایده قرآن . سلام اولسون سنه

اشعار فوق در تاریخ ۲۲ بهمن سال ۱۳۶۹ شمسی . تقارن شهادت
امام هفتم حضرت موسی بن جعفر ۷ گفته شد.

مهر و وفادن یازاسان

ای قلم سعی ایله تا ، صدق و صفادن یازاسان
طالب معرفت اول ، مهر و وفادن یازاسان

هره بیر مسئلهدن یازمالیدور ئوز سوزینی
هره بیر تحویله مشغول ایلوبدور ئوزینی
هره بیر منظریه خیره ایدبدور گوزینی
لطفی واردور هدف آل عبادن یازاسان

یازیلوب کرب و بلادن نقدر غملی خبر
اهل بیتون حالینه ذکر اولونوب چوخلی اثر
آپار افکاروی سیر ایله بقیعده بیر قدر
قوری تُپراقدا یاتان قانلی عبادن یازاسان
گیت بقینون دولان اطرافینی باخ منظریه
قوری تُپراقلاریله فرش اولونان مقبریه

باخِ گلن گوهر نایابه اولان مُشتریه

بلکه غم سوزلرینی غملی نمادن یازاسان

دیمورم دشمنیون عده‌سی حدّن چوخودی

دیمورم نهضتینه فرصت ممکن یوخودی

دیورم ائوده‌ده بیر مَحرم رازی یوخودی

فاطمه قلبی یانوبدور بو بلادن یازاسان

اثرین زهر قویوب کسّدی امامین نَفّسین

سسلدی آخر عمرمدور گل ای قارداش حسین

نجه قارداش گوره ئوز قارداشینون سون نَفّسین

دوغرانوبدور جگری زهر جفادن یازاسان

بیرینون سوز عطشدن اوَره‌گی یارالانور

سویلن بعضی‌لرونده جگری پاره‌لانور

ظاهری فرق ایدور اَمّا بیر هدف اوسته دولانور

دینه خاطردی بو مُحنت بو بلادن یازاسان

نام دلرباسی حسینون

گینه اوجالدی گویه نام دلرباسی حسینون
مگر محرم اولوب باشلانوب عزاسی حسینون

محبت اهلی گینه تازه رمز و رازه گلوب
یانان اورگلریله درگه نیازه گلوب
دوباره دن قرا پرچم لر اهتزاره گلوب

یغیلدی بیر پره جمع اولدی آشناسی حسینون

بو اون گونی نه گوزل فرصت اولدی اهل دله
حسین قیامینه فکر ایلوب مکدر اولو
سبب ندور که پیمبر بالاسی بی سر اولو

نیه توکوبدی قانین خصم بی حیاسی : حسینون

بووردی عزتیلن ئولماق افتخاریمدور

یزید پَستہ منیم بیعت ائتمک عاریمدور
 نہ ظلم ائللہ نہ دہ ظلم آلتہ گیت : شعاریمدور

رضای حق ہارادور اور دادور رضاسی حسینون

اماندی شیعہ لریم نار جَہلہ یانمیا سوز
 حسین شہید نماز اولدی سیزده دانمیا سوز
 نماز پایہ دینوزدی سهل سانمیا سوز

بیان حق ایلور دُرّ پُر بَہاسی حسینون

بو یوردی دین محمد بقاسینہ خاطر
 نقدر بلا و مُصیبت گلہ بیزوق حاضر
 منیم قانیم توکولوب جدّیمون مرامی قالار

گلون بو جسمی گسون جلب اولار رضاسی حسینون

بیر عدّہ عشق حسین ایلہ ہمت ایلہ دیلار

بیر ایلده گور نقدر سعی و خدمت ايله ديلار
وئروبيله آل آله جدّا حمايت ايله ديلار

بو آبروايله تا ساخلانا عزا سي حسينون

او ساربان گسن آلرده چوخلرون گوزي وار
بو جمع خيرون حتماً حسين ايله سوزي وار
يقين كه كرب و بلاده هاموسونون گوزي وار

نصيب ايدر هامويه حيّ ماسواسي حسينون

بو هيئتون نه گوزل احترامی حُرمتی وار
علی اصغر یلن آدلانوبدی نسبتی وار
يازاندا شعروی بول « اکبری » نه لذتی وار

كه بلکه جلب اولونا مُختصر رضاسي حسينون

در مراسم افتتاح هیئت محترم حضرت علی اصغر ۷
« اُشتبینهای مقیم سرآسیاب » مُحَرَّم ۱۴۱۹ گفته شده است .

قهر طبیعت

گل عرشه چاتان شیون و افغانه قولاق وئر
 قانه بَلَشَن پیکر بی‌جانه قولاق وئر
 یا رب نه یامان قهر طبیعت جوشوب آشدی
 بو غمده بوتون ملّت ایران گوزی یاشدی
 پروانه‌لرون بال و پری اوڊا یانوبدور
 باخسان ایله بیل گردش چرخون دایانوبدور

اگر من زلزله اولسایدیم ایرانه دولانمازدیم
 بورا عُشاقه مَحفل دور گلوب بوردا دایانمازدیم
 شمالین سبزه زارین قرمزی قانه بویاتمازدیم
 گیجه گل بوته‌سین خارون آلله پَر پَر ائتمزدیم

یاتان گوزلر اویانمیجن آسوب قان بستر ائتمزدیم
 گوزل انسانلرین قلبین گوزون خاکستر ائتمزدیم
 اگر من زلزله اولسایدیم ایرانه دولانمازدیم

اگر دنیاده بیر پاک یر سوروشسان مُلک ایراندور
 بورا قربانگه عشاقدور مَهد شهیداندور
 شهادت مکتبین اعلان ایدن دنیایه ایراندور

اگر من زلزله اولسایدیم بو جور بی موقع گلمزدیم
 یاتان آهولری یاتمش یریندا نیمه بُولمزدیم

*

گَلايه

ای زلزله گل اَمّت قرآنه دولاشما

آلله گوره ملّت ایرانه دولاشما

نازیه یاتان گوزلری ظمیلہ اویاتدون

ای وای بالا وای ناله سین آفلاکه اوجاتدون

نازلی بالالار قانین آنا قانینه قاتدون

آلله گوره ملّت ایرانه دولاشما

موشک یاراسی توختامامش سن یارا ووردون

آتدون اوخوی بولمّدون اما هارا ووردون

رحمون یوخوموش که یارا اوستن یارا ووردون

آلله گوره ملّت ایرانه دولاشما

بیر لحظه آسوب خطّه گیلانی داغوتدون
 بیر ثانیه ده طارم زنجانی داغوتدون
 فکرون نه ایدی مُلک شهیدانی داغوتدون

آلله گوره ملّت ایرانه دولاشما

رحم ایلمدون خوردا بیوک عورت اوشاقه
 ایو صاحبینه نه ناخوشه نه ده قوناقه
 بیر ملّتی مشغول ایلدون درد و فراقه

آلله گوره ملّت ایرانه دولاشما

قرخ مین نفرون بیر گیجه ده جانین آلبوسان
 یتیمیش مینینده قانینه غلطان ایلوبوسن
 یش یوز مینین آواره و ویلان ایلوبوسن

آلله گوره ملّت ایرانه دولاشما

باخ گور نجه دلسیز بالالار قانه باتوبدور
 سس سیز اوزانوبدور آنا باغریندا یاتوبدور
 چو خداندی که دنیانی بولار گوزدن آتوبدور

آلله گوره ملت ایرانه دولاشما

سن یخدوقوی ملت ایران تیکه جاقدر
 سن اوشدوقوی امت قرآن بیچه جاقدر
 آبادلوق اوچون هامی پولوندان گیچه جاقدر

آلله گوره ملت ایرانه دولاشما



در حادثه زلزله رودبار و طارم ، در سال ۱۳۶۹ شمسی گفته شد.

سیرانسر

بوبلانوبسان خُمار خُمار باخورسان
 دردی لاری یاندریرسان یاخورسان
 گونش کیمی اُجا یردن چاخورسان

قالمیوبدی منده دوزوم سیرانسر
 سنه واردی نچه سوزوم سیرانسر

یاز اولاندا یاشیل کونک گیورسن
 یایدا چوپانلارا نَقْل دیورسن
 پاییز گلجک نارنج اطلس گیورسن

قیش اولمامیش آق دون گین سیرانسر
 طبیعتین سرّین دین سیرانسر

آیاقون میشه دی دوشلرون قجر
 گهلّیک لر قاقولدار جیرانلر گزر

سن سیز اوغلانلارون گور نجه دوزر

بیر بيله هجرانه . درده سیرانسر
 باج وئرمدون هچ نامرده سیرانسر

هچ بولورسن اوغلانلارون هاردادی
 تبریزدهدی ، تهراندادی ، ساردهدی
 خوش گوندادی ، فراخدادی ، داردادی

هر نه اولسا گنه دیر سیرانسر
 سندن اوتری حسرت ییر سیرانسر

اعقان کیمی دوستی هاردا قویوبسان
 اردکنین زینت لرین سویوبسان
 چشمه خانداندا دیه سن دویوبسن

بیر سنه قالوبدی آوان سیرانسر
 تک لوقیلن گوینن ساوان سیرانسر

یاز اولاندا گل لرین دولورسن

قاه قاه چکوب لاپ اورکدن گولورسن
پاییز فصلی نیه بیلہ سولورسن

سولماسون چمنون گُلون سیرانسر
گونئی گوندن آرتسون ائلون سیرانسر

نه گوزل سن : ساری گُلر آچاندا
فره گهلک دوشلروندا قاچاندا
درقچینلر قاناتلانونب اوچاندا

داغ قوشلاری گویدا دورور سیرانسر
دورמוש یرده قانات وورور سیرانسر

سحر چاقی شبنم گُله دوزولور
آل ووراندا بُلور کیمی سوزولور
حیف اولسون بیر آز عمری آز اولور

گون چخاندا گوزدن ایتور سیرانسر
هر باخشدایر بیر گُل بیتیر سیرانسر

«گاودیل ، آله میشه» سنون ایلوندی
 «باش یورد» ئوزی باشوندا کی تیلوندی
 «آق سو ، شربتعلی» یوردی شیرین دیلوندی

هامی دیر ایللی گونلی سیرانسر
 آق چرقتلی یاشیل دونلی سیرانسر

کامتالین قاباخ قاباخ دوروبسان
 ایل لر بوی چوخ دورانلار سوروبسان
 هامونی گوندروب ئوزون دوروبسان

نه گوزلدور یرون یوردون سیرانسر
 نه محکم دایانوب دوردون سیرانسر

غیرتلی لار سندن الهام آلودی
 غیرت سیزلر پیس گونلره قالوبدی
 دنیا ئوز دوستلرین درده سالوبدی

اولماسون گذرون دردون سیرانسر

بش گونلو قدور چرخ گردون سیرانسر

دیزمار . آرسبارون سن سن آراسی
آرانی دوتموسان آی آی پاراسی
اوره گون گورمه سون اوغول یاراسی

اوجالسون شوکتون ایلون سیرانسر
گوروم اگلمه سون بیلون سیرانسر

آتادان بابادان سن سن نشانه
چوخ قدلری دوندروبسان گمانه
گور نه عوض اولدی دور زمانه

فلکون گردشی دوندی سیرانسر
ظالمون چراغی سوندی سیرانسر

چوخلار بویون چکوب سنه باخاردی
مظلوم قانین آلرینه یاخاردی

قَلنجندن اورک قانی آخاردی

هانی او غیظندن جوشن سیرانسر
قالمیوب اونلاردان نشان سیرانسر

سن بولمورسن مأمور بیزه نیلردی
آول دویوب صونرا جریمه ایلردی
توهین ايله پذیرالوق ایلردی

بو دردلره کتدی دوزدی سیرانسر
دیمه خالق اوردان گوزدی سیرانسر

بیر گون گلدی ملّت جوشوب داشدیلا
خائن لرون قلبین دلوب دِشدیلا
مُزدورلرده باش گوتوروب قاشدیلا

ایمدی هامی بیرله شوبدور سیرانسر
حق یریندا اگلشوبدور سیرانسر

باش یورد شربتعلی یوردی رضا قَجَری
 زنگه یری جیرانلرون گزری
 چمن آیاقوا سالوب نظری

اُشتبین دوراندا قالار سیرانسر
 گلوب سنه جاده سالار سیرانسر

سن سن « اکبرینون » حیدر باباسی
 یاخوندور سنیلن اونون آراسی
 سندن صورا مگر واردور هاراسی ؟

او سنون قدروی بیلر سیرانسر
 گوزوون یاشینی سیلر سیرانسر

*

بهار اولدی گنه

مُژده ای باد صبا رؤیت یار اولدی گنه
 ایلیمز تازه‌لنوب فصل بهار اولدی گنه
 باغ و بُستان بزه‌نوب سَرو صنوبر سُونور
 سبزه یرده سورونور غُنچه‌سوار اولدی گنه
 لاله‌نون رنگی حیادن قزاروب قانه دونوب
 آلا گوز نَرگسه باخ گور نه خُمار اولدی گنه
 بوینی چکنندا بنفشه دایانوب عشوه ساتور
 باغ و بُستان دولوسی نقش و نگار اولدی گنه
 قره داشلاردان آخور سو توکولور داغ دوشونا
 چشمه‌لر جوشه گلوب چایلره بار اولدی گنه
 آب لیسانیله سیراب اولونوب دشت و دمن
 قوریان بوتیه جان گلدی سوار اولدی گنه

هر آغاش تازه لباسین گینوب قاش گوز آتور
 داغلارا فخر ایلین سرو و چنار اولدی گنه
 آل یاشیل داغلارمیز آچدی دوشون ائللرینه
 قوزولار نظمه دوروب مثل قطار اولدی گنه
 سورولار چوللری اشغال ایلوب اردو کیمی
 چوبانون نی سسی داغلاردا شُعار اولدی گنه
 کُهنه دوستلر تاپشوب عهدینی تجدید ایلور
 گل سونجک آچیلوب بُلبله یار اولدی گنه
 « اکبری » عُمَر گرانمایه گچور گون ساوولور
 غافل اولما که عُمَر لحظه شمار اولدی گنه

*

پیر جمارانه باخون

ایها الناس گلون قدرت ایمانه باخون
داغودان ظلم انوینی خون شهیدانه باخون

یخیلوب کاخ ستم اولدی نگون تاج شرر
قریلوب بند اسارت آچیلوب فجر سحر
یایلوب هر یره هر محفله ایمدی بو خبر

وقت عبرتدور گلون گردش دورانه باخون

یوموروخلار اوجالوبدور گویه مین ضربتیلن
تانک لر مْنه دم اولموش مولوتف شربتین
بانگ تکبیر اوجالوب هر طرفه قدرتیلن

توکولوب قان سو کیمی هر یره هر یانه باخون

چوخلاری ائتدی سپر سینه سینی تیشه لره

چوخلاری اولدی نشان تیر جفا پیشه‌لره
چوخلاری قانه باتوب جان یتوروب ریشه‌لره

گر یولوز دوشسه گیدوب شهر شهیدانه باخون

و نُرید^۱ آیه‌سی تاپدی ئوزینه صدق و صفا
حق یرین آلدی بو گون باطل اولوب پوچ و فنا
بند هجراندا قالان قوشلار اولوب حُرّ و رها

وعدۀ فجری وئرن آیه قرآنه باخون

گیجه گیچدی آچیلوب صبح و سحر عزّیلن
دیو قاچوب گلدی مَلک ئوز یرینه حُرمتلن
طاغوتون کاخی یخیلدی باشینا ذلّتلن

دینی احیاء ایلین پیر جمارانه باخون

۱- وَ نُرِيدُ أَنْ نَمُنَّ عَلَى الَّذِينَ اسْتَضَعُوا فِي الْأَرْضِ وَ نَجْعَلَهُمْ آيَةً
وَ نَجْعَلَهُمُ الْوَارِثِينَ.

«سوره قصص آیه ۵»

گونشون ایستی لوقی فصل زمستانه چاتوب
 ابر رحمتده بو آیدا آلین احسانه آچوب
 اهل دینون گوجینه قدرت بیگانه قاچوب

« اکبری » نَظْمه چکن مطلب و عنوانه باخون

بور یوب دشت و دمن هر طرفی لاله گُلی
 آچیلوب بُلبُل افسرده لرون باغلی دلی
 یاشاسون مین یاشاسون فَجری یارالدان بو اِثلی

نغمه فجر اوخویان مرغ غزل خوانه باخون

ماشاءا...

فَجْرُون اَيَّامِي دوشوب دِلره ماشاءا...

بيله فَجْرِي يارادان ائلره ماشاءا...

صبح آچيلدي سحر اولدوزلري قاش گوز آتوري

بيله اولدوز بَجَرَن گوگلره ماشاءا...

قيشيدي ايستي گونش چاخدي سويوخ اولكه ميزه

مه دومانِي ايتيرن يِل لره ماشاءا...

آل آله وئرديله مَلَّت بو مقدّس هدفه

بِير اولوب بِير چالیشان آلره ماشاءا...

وطنون هر بوجاقِي شانلي گلستانه دولوب

بو گلستاندا بيتَن گل لره ماشاءا...

اگلشن گل بوداقدنا صونا بَلْبَل لري گور

خوش خبر قاصدي بَلْبَل لره ماشاءا...

ملّتون قَهري جوشوب سيل کیمی طغیانه گلوب

بیله جاری اولونان سيل لره ماشاء...

با وفا آرتشمیز آگمدی باش طاغوته

بیعته پیشتاز همافرله ماشاء...

باخ بسیجون آدینه دشمنی وحشته قویوب

آدی ترمزسيز اولان لشگره ماشاء...

شانلی بیر آد قازانوب جنگده پاسدار ئوزینه

سیزی ارشاد ایلین مادره ماشاء...

باخ جهادون ایشینه گور نه گوزل طرح توکوب

یول چکن آرخ چخادان بیل لره ماشاء...

هر کانال که چکیلور اولکه میزون زینتی دور

تازادان جان یارادور یرلره ماشاء...

بیر داشی قازماقيله فرهاده عاشق دیدیلار
 مین دانا داغ داغودان آلله ماشاء...
 باخ اولار بندینه حیرتده قویوب هر گورنی
 داش ایچینده چال آچان میلله ماشاء...
 چوخ قاطر یوکلی دوشوب قزدرمه بندن آراز
 ایمدی میدان آچیلوب ائلله ماشاء...
 گیت قاطر بندینه باخ گور نه عجب منظره دی
 سیزی هموار ایلین آلله ماشاء...
 کندلرون برقینه باخ تلفنه باخ سویونا
 چایلر اوسته اوجالان پُلله ماشاء...
 بسدی شآنوزده بیر عمری که بو ملت دیه جاق
 بیله سنگرساز بی سنگره ماشاء...

کتده فقرون کوکینی قازدی رجائی طرحی
 آیدا اهدا اولونان پوللره ماشاءا...
 بیر پیامیله یخان شرقده الحاد ایوینی
 بو پیامی یتورن رهبره ماشاءا...
 بسلدوخ گل لرینی تاپشوروب آللهه دیدی
 باغبان سیز یاشیان گل لره ماشاءا...
 « اکبری » هر نقدر یازسان اگر آزدور گنه
 فجری توصیف ایلین دللره ماشاءا...

*

حامی قرآن گلدی

مژده ای دل چمنه نوگل خندان گلدی
گل چیچکلر باش آچوب نرگس و ریحان گلدی

قره قارقه کوچینی چاتدی قاچوب بُستاندان
نغمه فجر اوخویان بُلبل خوشخوان گلدی
بیر نسیم سحری آسدی بو گون مَغربدن
قوریان شاخه لر اوسته تازه بیر جان گلدی
داخی بوندان صورا گُل لر سارالوب سولمازلار
ابر رحمت یایلوب یاغماقا باران گلدی
آیری لوخ دردینه ایل لر بویی آزرده قالان
گوزون آچ گور نه گوزل دردوه درمان گلدی
اون بیش ایل مُنتظر و دیده به راه اولدون عجب
افتخاريله مرامون آله الان گلدی

کَسَمَاقَا قَدَرَتِیلَن فِرْعَوَن عَصْرَوَن نَفْسِین
 مَاشَءَا... ایلَه بیل موسی عمران گلدی
 قَاجَدِی نَاصِحَرَم تُوزِین گوزدن ایتوردی نه عجب
 کُفَر و شِرکُون یرینه فخریلن ایمان گلدی
 سَنَدَه یَعْقُوبَه یتور مُژدَه‌وی آی باد صبا
 گوزلرون آیدین اولا یوسف کَنعان گلدی
 آز قَالوردی که گیدوب مَحُو اولا احکام الَه
 دینی اَحیاء ایلین حامی قرآن گلدی
 غَم یمه شانلی وطن غم گونیمیز چاتدی باشا
 قَاجَدِی عِفْرِیت سَتَم مُنجی ایران گلدی
 بیر گَلیش گیتدی قزل لالهلرون خَرَمینَه
 اوردن تجدید ایلوب عَهْدیلَه پیمان گلدی
 اُون بِش ایل آیری دوشن ائلدن عجب کامه چاتوب
 گُل سَپُون مَقَدَمینَه پیر جماران گلدی

ظفر نغمه‌سی

سحر ارته‌سینون دان اولدوزی تک
 آیدین ایشیق سالوب انقلابمیز
 قهرمان ائلیمون آیوخ گوزی تک
 عالمه نور سالوب انقلابمیز

دیولری قاچوردوب گوزدن ایتروب
 تیکانلر یریندا گلر بیتروب
 یوسفی گتوروب ائله یتروب

هر یره شور سالوب انقلابمیز

قیشون چله‌سیندا بهار یارادوب
 قرانلوق گیجه‌ده سحر یارادوب
 نلر گور آپاروب نلر یارادوب

حق‌دن الهام آلوب انقلابمیز

اون دورد ایل یاشیوب افتخاریلن
 بَرکیدوب ریشه‌سین اعتباریلن
 دولوب بوداخلاری شیرین باریلن

ظفردن کام آلوب انقلابمیز

یخوب ظالم‌لرون محکم قلعه‌سین
 کَسوب قولدورلرین چرکین نفسین
 قوْزیوب دنیا‌دا آزادلوخ سسین

هر یره جار سالوب انقلابمیز

هانسی قرانلو‌ق‌دا بیر ایشیق چاخسا
 هر یرده آزادلو‌ق بایراقی قالخسا
 هانسی مُستضعفون سسی اوجالسا

اونا سنگر اولوب انقلابمیز

باغلیوب شیطانین فتنه یُواسین

قورودوب فسادون بند و بره‌سین
سیندیروب دشمنون دَمیر قفسین

حُریت یارادوب انقلابمیز

قوشا گلوب بو ایل شادلوق گونلری
حدّن آرتوخ سؤندوروب ائل‌لری
امامت باغنون آچوب گُل‌لری

جهان گُستر اولوب انقلابمیز

یخوب مَرزلرون تیکان میله‌سین
پوزوب دشمن‌لرون مکر و حيله‌سین
« اکبری » سنده یاز ظفر نغمه‌سین

دشمندن باج آلوب انقلابمیز

عزّت شایان بیزیلن دور

تا واردی جهان همت مردان بیزیلن دور
داغلاردان آغور قدرت ایمان بیزیلن دور

عشقیله بو میدانه قدم قویدوخ آزل گون
عشق اهلی بوله سبقت میدان بیزیلن دور
یول وئرمروخ آغیاره گله مجلس یاره
بوندان بویانا محفل یاران بیزیلن دور
دای هرزه علفلر باش آچانمازلا بو یوردا
بُستاندا بیتن نرگس و ریحان بیزیلن دور
گیچدی او زمان زاغ و زغن بوردا پَر آچسون
چون مرغ هُما دُرنا و طرلان بیزیلن دور

شیطانلاری آزماخ آزلیندن ایشیمیزدور
 بُت سندرانوخ قدرت یزدان بیزیلن دور
 ای جبهه دوتان خط ولایت قاباقدای
 بو خطّده واروخ تا نقدر جان بیزیلن دور
 عِفْرِیت ستم گر بیزیلن کینه ده ائتسه
 باک ایلَمَرُوخ چونکه سلیمان بیزیلن دور
 هر یرده شرافتلی بیر انسان گوزه دگسه
 واللّهی قبول ایله او انسان بیزیلن دور
 وحدت نه قدر واردی داخی غم یری یوخدور
 نصرت بیزیلن عزّت شایان بیزیلن دور
 بیر گون یخاروق ظلمون ایوین اوندا گوررسوز
 ظلمیله آخان اشگ یتیمان بیزیلن دور

هیهات که ظالم لره بیرده باش آیاخ بیز
 قانلان یازیلان خطّ شهیدان بیزیلن دور
 ایثار و شهامتده بیزیم مکتبیمزده
 علم و عمل و منطق و بُرهان بیزیلن دور
 بولدوز که نقدر قانلار آخوبدور یره ناحق
 یوخ شُبّه سی حق اوسته آخان قان بیزیلن دور
 بو فخر بیزه بسدو که دنیاده دیه لّر
 غیبتده گزن حجت سبحان بیزیلن دور
 چو خداندی که یو خدور یولوموز کرب و بلایه
 اما گنده یتیمیش ایکی جان بیزیلن دور
 آزاده لرون سَروریدور بیزلره سَرور
 مَقْتَلده او گوداله آخان قان بیزیلن دور

سردار سلحشور وفا معدنِ غیرت
 علقمده یاتان اول مه تابان بیزیلن دور
 دنیامیز اگر سیر تکامل له دولانسا
 بیر امر مُسَلّم دور که دوران بیزیلن دور
 قدرتلی آبر قدرت اولار امت اسلام
 آینده دیور « اکبری » هر یان بیزیلن دور

*

ائتمک گرک

سالگرد انقلابه افتخار ائتمک گرک

شکر درگاه بزرگ کردگار ائتمک گرک

مُژده وئر جمهوری اسلامی اولدی برقرار

اتفاق و اتحاد و پایدار ائتمک گرک

ضدّ خلقی سلطنت محو اولدی پس شاد اولگلن

ایمدی اسلامون مرامین آشکار ائتمک گرک

رهبر ایران خمینی مُنجی مستضعفین

ای مسلمان بو وجوده افتخار ائتمک گرک

یخدی ظلمون دودمانین ائتدی حقّی بر ملا

آخر حقّون مُحْتَواسین آشکار ائتمک گرک

هشتاد ایل عمرین ایدوب صرف رفاه مسلمین

بَعْلی رهبردن بوجور بیر انتظار ائتمک گرک

اون پش ایل تبعید اولوب خاک نجفده صبر ایدوب
 بولدوروب طاغوته که ایمدی فرار ائتمک گرک
 چون حسین بن علی ثوز اوغلونی وئردی شهید
 بعلی لایق بیر هدیه بذل یار ائتمک گرک
 دیو قاچدی مملکتدن اولدی نازل بیر ملک
 ای ملک سیرت سنه قربان هزار ائتمک گرک
 سهل سایما انقلابی رایگان گلموب آله
 جان نثاران خدانی بیر شمار ائتمک گرک
 خونبهای پاک یتیمیش مین شهید با شرف
 غفلت ائتمه ای مسلمان پاسدار ائتمک گرک
 بیر بویوک شیطاندر آمریکای خونخوار جهان
 بو امامین هر کلامین بیر شعار ائتمک گرک

آل چکر ئوز سود شومیندان بو تزلوقدا مگر
 بوندان آرتوخ راخ جهانخوارانی خوار ائتمک گرک
 ایمدی دشمن مُضحکانه گوندا بیر نقش اوینیور
 توده مُستضعفینی هوشیار ائتمک گرک
 حُکم قرآنی گرک اسلامیانه حکم ایده
 شرق و غربون راه و رَسمین بر کنار ائتمک گرک
 حق یریندا اگلشوب باطل بوتون نابود اولوب
 وعده قرآنیدور صلح و صفا ائتمک گرک
 اون پِشنجی قرن هجرت قرن فتح مسلمین
 بَعلی بو معنانی حتماً آشکار ائتمک گرک
 « اکبری » بو انقلابه جانوی قربان ایله
 جان که ناقابلدی چوخ جانلار نثار ائتمک گرک

پیر جماران گیتدی

خبر ای عالمیان عالم دوران گیتدی

واحسینا حسنا پیر جماران گیتدی

سولدی گلزار علی یاسه باتوب یاسمنی

پوزولوب گلشنمیز دستۀ ریحان گیتدی

بُلْبُل آغلور گلینون غصّه سینه فرقتینه

آسدی صرصر نسیمی نوگل خندان گیتدی

تار اولوب مَحفَلیمز سوندی چراغ دلیمز

اویکه نوریدی چون مشعل سوزان گیتدی

قاره پوش اولدی بوتون خُرد و کبار و ائلیمز

اوجالوب هر طرفه ناله و افغان گیتدی

اوزدی دنیادن آلین اوزمّدی آللهیندن
 باغلیوب اُمّتلن عهدیله پیمان گیتدی
 وحدتِ کلمه‌نی تاپشوردی گرک حفظ اولونا
 حُکم قرآنی دیوب ناطق قرآن گیتدی
 کسّدی فرعون نفسین وئردی نجات اُمّینه
 آلیمزدن ایله بیل موسی عمران گیتدی
 ایکمنجی دفعه آلدن وئروب ایتام آتاسین
 ضُعفانون کمکی باب یتیمان گیتدی
 بیز حسین عطرینی آلمیشدوخ ازل گون سندن
 نیلیاخ بس گوره‌سن آیت رحمان گیتدی
 بی‌ریا خدمت ایدوب عالم اسلامیه
 یارادوب جامعه‌ده ایده و ایمان گیتدی

کربلا خاطره سین زنده ایدوب عمرینده
 پای بند هدف خون شهیدان گیتدی
 بیر خبر کرب و بلادن ایشیداخ عاشورا
 سس دوشوب خیمه لره زینب نالان گیتدی
 یتشوب قتلگه گوردی حسین جان وئروری
 سسلدی وای نجه گور قارداشیم عطشان گیتدی
 دیدی گسمه بوغازین قارداشیمون ای ظالم
 باخمادی شمر جفاییشه دوران گیتدی
 هجر رهبرده نقدر آغلیاسان آزدور گنه
 گوزون آج «اکبری» گور خسرو خوبان گیتدی

**

قطعه

رحلت ایدوب روح خدا ، آه و واویلا
 دنیا اولوب ماتم سرا ، آه و واویلا
 رحلت ایدوب روح خدا ، آه و واویلا
 دنیا اولوب ماتم سرا ، یا رسول الله

آه و واویلا . آغلا یا زهرا
 گیتدی دنیادن امام ، اول رهبر والا

**

گلِ زهرانی تاپشوردوخ سنه

جَنّت زهرا گلِ زهرانی تاپشوردوخ سنه
یاخشی ساخلا گوهر یکتانی تاپشوردوخ سنه

سن شهیدلر یوردی سن ، عشق اهلی نون مأوآسی سن
بیزده بیر الله سُون انسانی تاپشوردوخ سنه
خوش سنون اقبالوه آغوشه آلدون رهبری
قیمتین بول مظهر ایمانی تاپشوردوخ سنه
نازایلن ساخلا وجودین خسته دور افسرده دور
چوخ شماتلر گوروب پنهانی تاپشوردوخ سنه
بس آغور قیمتله آلمیشدوخ بهاسین بولمدوخ
آز زماندا گور نجه آسانی تاپشوردوخ سنه
آیری دوشموشدی شهیدلردن ئوزی مُشتاقیدی
سنده ساکندی گوزل یارانی تاپشوردوخ سنه

گورمدوخ عمرینده بیر لبخند اوتورسون لبلره
 حق دین بیر جوت لب گویانی تاپشوردوخ سنه
 اگمیوب باش دشمنه اگمزدی بیر یولدا داخی
 طّی ایدیدی یوز بیله دورانی تاپشوردوخ سنه
 سن زیارتگاه عَشّاق جهان اولدون بو گون
 محفل عشق : عاشق نالانی تاپشوردوخ سنه
 یاده سال بیر گون که گلدی نه گوزل دورانیدی
 ایمدی جان آلدن گیدوب جانانی تاپشوردوخ سنه
 فُرقتی مشگلدی روح اللّهُون حزب اللّهُه
 گوزلریندن جاریدور غم قانی تاپشوردوخ سنه
 پیکرین اینجتمه یورقوندور مُراعات ائتکلن
 استراحت گورمیوب بیر آنی تاپشوردوخ سنه
 ای اماما یاتِ گلن آسوده امّت یاتمیوب
 طّی ایدر سن باغلیان پیمانی تاپشوردوخ سنه

« اکبری » بو غمده قان آغلور امامون هجرینه
 سنده آغلا زاده زهرانی تاپشوردوخ سنده

آسوب نسیم عزا صحن گُلستانه گنه
 باتوبدی ملتیمز حُزنِ جانستانه گنه
 دوشوبدی نار آجل بوستان اسلامه
 یانوبدی گُللریمیز هجر باغبانه گنه
 غبارِ غم تازادان یر یوزیندا گورسندی
 دولوبدی گوزلریمیز اشک خونفشانه گنه
 مگر نه یوز وئروب آیا که غم یاغور گویدن
 شریعت اهلی گلوب ناله و فغانه گنه
 یتوبدی صدمه بو گوندا پیمبر اُمّتنه
 بیر آیری غم یتشوب قلب عاشقانه گنه

آسردی کاخ ستم‌لر آدی گلنده اونون
 دوشردی لرزیه ظالم‌لر عاجزانه گِنه
 بنای ظلمی یخوب عدل پایه‌سین قوردی
 اوجاتدی پرچم اسلامی آسمانه گنه
 نه شرقه باغلادی پِل نه اولدی غربه دَخیل
 دیدی کمکدی بیزه خالق یگانه گنه
 یاتانلاری او یادوب مهربان دِلِله دیدی
 اماندی چنگ و ورون حَبَل جاودانه گنه
 بیر اولسا اَمّت اسلام شائین آرتوراجاق
 ولیک آیریلوقا یوخدور هِج بهانه گنه
 جهانی ترک ایلوب رهبر بزرگ جهان
 چکوبدی ملّتی بیر آیری امتحانه گنه
 بو غمده تسلیت عرض ایلوروخ امام زمان
 غم و ملال یتوب قلب مهربانه گنه

قلعه زندانی یخدیلار

سس دوشدی عالمه ، شب هجرانی یخدیلار

هجران قوتاردی گل ، در زندانی یخدیلار

بُلْبُل قفسده تنگه گلوب روزگاردن

نوکيله سَندِروب قفسی آنی یخدِیلا

عشق اهلینون محبَّتینه جان فدا گرک

خواهان حق اولوب صف شیطانی یخدیلار

عشقون حرارتی ایله اودلاندرودور که

قیش چله سیندا شخته سوزانی یخدیلار

عُربته یتمیش ایل یاشیانلار جانا دویوب

قهر و غضبنله پرده عصیانی یخدیلار

گلدی خبرده نَخجوان اهلی جوشوب داشوب

سیل تک هجومیله یره هر یانی یخدیلا

بیر حدّی «زیگیلان» بیری «جُلُفا» و «اردو باد»

طوفان کیمی سکوت غم افزانی یخدیلا

سیم لر یغیلدی سیم چی لرون یو خودور قدرتی

اظهار ایده نیه بو معمانی یخدیلا

الله اکبرون گوجی دور آیری گوج دَگُل

فکر ایلمه نیه بیله آسانی یخدیلا

اسلامی انقلاب داخی صادر اولوب گیدوب

تکبیر یله یره بُتِ دورانی یخدیلا

قارداش باجی توکولدوله مرزه گوروشماقا

دیداریله فراقِ عُظمانی یخدیلا

دای سنده گوز یاشون یوزوه توکمه آی آراز
 قارداش یتیشدی قارداشه خندانی یخدیلار
 ایل لر بویی بو آیریلقا سنده آغلادون
 شاد اول گن که قلعه زندانی یخدیلار
 بیر گون دیردیلار کمونیست دُرّ ناب دور
 ایمدی ئوز آلرله بو نالانی یخدیلار
 گورستدی فیلمینی یوگسلاویدا سرنگولوقون
 گویدن سالندی تُپراقا شیطانی یخدیلار
 آلماندا ساخلیانمادی خلقین حصاریدا
 دیوار یخیلدی هج هله پیمانی یخدیلار
 بیش گوندا انقلاب ایلوب ملّت رومان
 آلمنچی گون حکومت و آرکانی یخدیلار

ملت لر ایمدی دای آیلوب خواب نازدن
 یاتمازلا غفلته بيله سؤدانی یخدیلار
 شکر ایله « اکبری » نه گوزل روزگار اولوب
 عشق اهلی شوريله درِ زندانی یخدیلار

قطعه

گوئول بیر لحظه حقدن غافل اولما
 گیدوب نفسون دالیجا زایل اولما
 سن افضل سن ملائکدن یقیناً
 دانوب حقّی مُرید باطل اولما

ناحق پایدار اولماز

بلی بو رسم عالم‌دور که ناهق پایدار اولماز
 سورر بیر مدّتی دوران و لیکن ماندگار اولماز
 باخوب سیر ایله سن تاریخی یکسر پند و عبرت‌دور
 فراموش ایلّین تاریخی هرگز هوشیار اولماز
 نه چوخ قارون و فرعون، حقیله جنگ و جدال ائتدی
 گنه آخرده حق باقیدی ناهق آشکار اولماز
 یزیدون ایتدی آثاری تاپولماز بیر نشان ایمدی
 که هچ نامردون افکاری بو نوعی تیره تار اولماز
 گلوب بیر عدّه بیرلیکدن ووروب دم خلقی آلاّتدی
 صوراً خائن تانندی خلقه خائن خلقه یار اولماز

اوزاخ گیتمه همین همسایه وه باخ گور نه عالم دور
 کرملین تتریور ازدم دیمه که تار و مار اولماز
 سالندی تپراق اوسته یتیمیش ایلوخ قرمزی پرچم
 بلی داس و چکشدن خلقه عزّ و افتخار اولماز
 ییوبدور فعله نون حقین وُروب دم فعله دن بیر عمر
 عمل لازم دور انسانه یالاندن که شعار اولماز
 دیدی نُطقنده اول بدبخت که بیز آلله ی دانمشدوخ
 بلی الله دانان انسان هج ایشده رستگار اولماز
 دیدی بُن بسته یتدوخ چاره یو خودور سدّ معبر دور
 پوزون مارکسیستن آمالین که خلقه سازگار اولماز
 عجب بیراهه گیتدوخ یتیمیش ایل درجا وُروب ملّت
 یاتورتدوخ ملّتی غفلتده بیزدن خلقه یار اولماز

اماما یازدوقون پیغام بو گون معنا اولوب خلقه
 یقین که گون همیشه زیر بار آبر تار اولماز
 گیدوب آشغال قابندا یرلاشوب مارکیستون افکاری
 مُسلّم امردور که آیری دیوار اُستوار اولماز
 بشر وضع ایلین قانون بش اون گون خلقی خام ساخلار
 بیر آز کُهَنَلَسَه باطل دور یریندا برقرار اولماز
 گرگ قانونی الله گوندروب پیغمبر حفظ ائتسون
 یالانچی وعده و برنامه لردن اعتبار اولماز
 گلر بیر گون که غربوندا چونر چرخى ضلالتدن
 مگر آزادلوقة انساندا بیر حدّ و حصار اولماز ؟
 بو سوز دوزدور که الله خلق ایدوب انسانی آزاده
 ولی آزادلوق حدّن آشسا که شأن و وقار اولماز

بشر اشرف دور هر موجوددن بیلسه مقامین گر
 اوجوز ساتماز ئوزین بیگانه بی بند و بار اولماز
 گورورسن « اکبری » دنیا باخور شوقیله ایرانه
 نمونه آختارور دنیا هدف سیز روزگار اولماز

وحدت‌ده‌دور

ای عزیزان رمز پیروزی فقط وحدت‌ده‌دور

راه و رسم صلح و بهروزی فقط وحدت‌ده‌دور

هر آغاش خواهانینه ئوز میوه‌سین احسان ایدر

بعضی‌سی چون شهد شیرین بعضی قصد جان ایدر

کینه و قتل و جنایت آیریلوخ سوغاتی‌دور

صلح و آرامش صفالی زندگی وحدت‌ده‌دور

باخ بیر افغانستانه هر لحظه قاندور موج ایدور

ملت مظلومی توپ و موشکه آماج ایدور

اُمّتون حیثیتین بیر عده‌لر تاراج ایدور

چاره‌ساز قتل و خونریزی فقط وحدت‌ده‌دور

گور اروپاده جنایتلر ایدوبدور صربلر
ملت بوسنی اولوبدور قتل عام و دربدر
بی تفاوت شاهد ناظر دور ناکس غربی لر

چاره هر درد بی درمان فقط وحدت ده دور

وحدت اولسایدی قازاردی صهیونیستون ریشه سین
محو ایدردی نطفه ده ناپاک لر اندیشه سین
قدرت وحدت کسردی هر تجاوز ریشه سین

اُمّتون قطعاً اُمید و ایده سی وحدت ده دور

وحدت اولسا قُدس میز آزاد اولار آغیاردن
قان توکنلر باج آلا نماز اُمّت هشیاردن
پاک اولار بیت المقدس فتنه خونخواردن

وحشت دیرینه دونان همین وحدت ده دور

ای عرب ای فارس و ای تُرک ای پیمبر اُمّتی
 چنگ وور حَبَل المَئینَه قیر قوتار مَلّیتی
 آق قرا مطرح دُگل تقوادور انسان زینتی
 عزّت دینا و عُقبامیز فقط وحدت‌ده‌دور

*

عجایب روزگار اولدی

دولاندی گردش ایّام عجایب روزگار اولدی
 چکلدی پرده‌لر اسرار گزلین آشکار اولدی
 سالوبلار آیری بُلْبُلدن گُلون رنگی دونوب قانه
 غُرَابون مَسْکِنی گُلشن مکانی لاله‌زار اولدی
 ایدور آغیارلر هر گوندا دوستلوخ پایه‌سین محکم
 ولیکن قارداشون افکاری قارداشدان کنار اولدی
 نیه قارداشلارون قلبنده بو حدّه کدورت وار
 نیه گُلشنده گُللر سولدی سوزلر آه و زار اولدی
 محبّتلر هارا کوچدی یرین آلدی عداوتلر
 نیه آغیار آلله یاره ظلم بیشمار اولدی
 نیه بیر اولماسون دنیاده بیر میلیارد قارداشلوخ
 ایدوبلار پاره پاره هر بیر آیری دیار اولدی
 تأسف‌دور که بیر میلیارده اوچ میلیون مسلّط‌دور
 گیدوب وحدت یریندا آیریلقلار دست بکار اولدی

آرزوم بودور

آرزوم بودور اورگلریز شاد اولسون
 دماغوز چاق . آغزوز دولی داد اولسون
 فرق ایلمز قاهوم اولسون یاد اولسون

بیر بیریزدان گل ایشیدون گل دیون
 محبتلی شیرین شیرین دل دیون

آرزوم بودور گلوله دونوب گل اولسون
 دشمنلوخ شعله سی سونوب کول اولسون
 اورکلردن اورکلره یول اولسون

قازیلسون	ریشه لری	عداوتون
یازیلسون	قراردادی	باریشوقون

آرزوم بودور ظالم بورنی آؤلا
 مظلوم قالخوب ظالم لره داو اولا
 فرق ایلمز قرا اولا آغ اولا

قولدور قوردلر آلقانینه بلّسون
 زور دیه نون کول باشینه آلّسون

آرزوم بودور آجلار بوتون توخالسون
 محبتلر گونی گوندن چوخالسون
 اورگلرون یاره سی گیدسون صافالسون

آیری دوشن دوستلر گلوب ناپشسون
 حق قیدوب صاحبینه یتشسون

آرزوم بودور ابر رحمت یایلسون
 یاددان چخمش ملّت لرده سایلسون

مَلّت لر سازمانیدا آیلسون

یوخ سول انسانلرون قانین سورماسون
قولدورلرین کوره گیندا دورماسون

آرزوم بودور آچان گل لر سولماسون
خُمار گوزلر قان یاشیلن دولماسون
هچ بیر یرده پارتی بازلوق اولماسون

غملی اورکلر تازادان سُونسون
وارلی یوخسول بیر گوزیلن گورونسون

آرزم بودور قیش قوتارا یاز اول
ایلون کیفی گونی گوندن ساز اول
آرامیزدا یالان تْهمت آز اول

محبّتدن صداقتدن دانیشاخ
کوسموش اولساخدا قیدوب باریشاخ

زیانکار اولمیا

ایسترم دنیاده گلده اولماسام خار اولمیا
قید و بند نفس اماره گرفتار اولمیا

ایسترم سو اولماسام سیراب ایدم گل بوته سین
یاندیران بال و پر پروانه نی نار اولمیا
غُنچه گل لر تک دوداقلاردا اگر اگلشم دیم
غملی گوزلردن آخان اشگ رُخ زار اولمیا
اولمادیم باران رحمت یاغمادیم صحرالره
سیل ویرانگر کیمی هر دم زیانبار اولمیا
اشک رُخسار یتیمانی اگر پاک ائتم دیم
عامل افسردگی و رنج بیمار اولمیا
مَرَحَم زخم اولمادیم دل یاره سی وورماق نیه
باعث افزایش آلام بیمار اولمیا

اولمادیم مظلومه هامی آلمادیم گوگلون آله
 قدرت بازوی پست ظلم اشرار اولمیا
 تپمادیم توفیق خدمت خلق اوچون عمریمده گر
 دوش مظلومان اوچون بار گرانبار اولمیا
 شمع سوزان اولمادیم روشن ایدم ویرانه نی
 شمعی سوندورماق لوقه باد شرربار اولمیا
 قالمادی آثار نیکو خلق اوچون عمریمده گر
 صاحب آثار زشت و فکر بیمار اولمیا
 اولمادیم گر زاهد شب زنده دار و اهل راز
 لاقل عالمده بیر عبد خطاکار اولمیا
 ایلور اللّهدن تمنّای شفقت « اکبری »
 نامه اعمالیمه باخسا زیانکار اولمیا

**

گوگوم

اولوب هجرونده مین درد و بلایه مُبتلا گوگوم

ایله مشکل دور بو درد که تاپانمور بیر دوا گوگوم

سنون عشقون سالوبدور آیری بیر حاله بو نالانی

قبول ایلر یولوندا گورسه هر درد و بلا گوگوم

هره قلبنده بیر نیت دوتوبدور آرزو ایلر

سنون وصلوندن اوزگه ایلمز بیر ادعا گوگوم

عبادتده ریا اولسا قبول اولماز مسلم دور

اودور که عشقوه یل باغلیوبدور بی ریا گوگوم

یولوندا هر نقدر آغیاردن جور و جفا گورسم

شکایت ایلمز بیر کیمسیه بو بی نوا گوگوم

گیدوبدور طاقتیم آلدن قالب حسرت گوزوم یولدا
 او گوندن که سنون عشقونله اولدی آشنا گوگوم
 امیدین کسمیوبدور « اکبری » هرگز وصالوندان
 اماندور قویما هجرونده دوتولسون باصفا گلوگوم

قطعه

عشق عالمیندا جُرم دی بس بی گناهلق
 زندانه چکدی یوسفی پاکیزه دامنی

قطعه

هر مرد سخن ، مرد عمل کار اولاً بولمز
 آغیار گلوب یاره هوادار اولاً بولمز
 هر بی‌سر و پایه دیمه اسراروی بولسون
 هر یونگول آدام محرم اسرار اولاً بولمز

مین نفر نافهم‌دن بیر فرد دانا یاخشیدور
 مین غلط الفاظ‌دن بیر خطّ خوانا یاخشیدور
 گرچه اقوامون وجودی بال و پَر حکمینده‌دور
 بولمین اقوام‌لردن خصم دانا یاخشیدور

یالان دنیا

یالان دنیا یالان دنیا

خلقى درده سالان دنیا

ظالم لره رضوان اولدون

مؤمنلره زندان اولدون

بش گون آچوب صورا سولدون

مؤمن حبسه سالان دنیا

سلیمانلر گلوب گیدوب

لقمانلرون آدی قالوب

جارجیلرون هرای سالوب

کیمدور سنده قالان دنیا

هر عصرده بیر مُد گلدی
 گاه بو شالدى گاهدان دولدى
 کیمون سنده یوزی گولدى

بیزی درده سالان دنیا

چوخ گلشینون گلی سولوب
 اورگلر قانیلن دولوب
 چوخ آنالار زلفین یولوب

آنا صبرین آلان دنیا

*

آزاده‌لر گلدی

صبا پیر مُغانه وئر خبر مَسْتانه‌لر گلدی

شرار نارِ هجرانه یانان پروانه‌لر گلدی

اسارت کاخی ویران اولدی صبر و استقامتدن

حَرَم آهولری آزاد اولوب آزاده‌لر گلدی

دیون یعقوب دورانه که یوسف گلدی غُربتدن

قداست آشیانیندان اوچان دُردانه‌لر گلدی

آزده شوق معشوقیله هجرت ایلین قوشلار

گلنده باشد شور گلشن و گلخانه‌لر گلدی

بیله صبر و شکیبائی یقین ایّوب ایدر تحسین

یاراتدی عالم غُربتده بس افسانه‌لر گلدی

وطن گُزاری هر لحظه بو گَلَمَکدن گُل افشاندور
 آچیلدی لاله و نرگس گوزل دُردانه‌لر گلدی
 قالوبلار دو قوز ایل موسی بن جعفر حبس اولان یرده
 اسارت پنجه سیندن قورتولان جانانه‌لر گلدی
 یزیدون جور ظلمیندن قوتاردی کاروان عشق
 مُداوم انتظاریندان سولان ریحانه‌لر گلدی
 آنا اشگ محبّتله یُوار مهمانینون زُلفین
 بشارت وئرماقا مین شوقیله همسایه‌لر گلدی
 بو گون ایران گُلستاندور سراسر عطر آزادی
 اولوبدور جَنّت مأوا بوتون غمخانه‌لر گلدی



دلاوران وطن فاتحانه برگشتند

وطن ز یمن قدوم شما بهاران شد

فضای میهن ما وه چه نورباران شد

نسیم عطر بهاران ز هر طرف پیداست

مذاق خاطره‌ها همچو لاله‌زاران شد

شکسته کاخ اسارت به قدرت ایمان

کنون که وقت رهایی جمله یاران شد

به هر طرف نگری اشگ شوق و خنده دل

ز اشگ شوق عزیزان آبخاران شد

دلاوران وطن فاتحانه برگشتند

جهان به کام عزیزان و دوستداران شد

هزار حیف در این روز وصل و آزادی

تُهی ز مونس خود کعبه جماران شد

بسیجی

اولوبدور هامی قرآن بسیجی
یاراندی صحنه ده طوفان بسیجی

وئروب فرمان تشکیلاتی رهبر
گرک اولسون بسیج ایران سراسر
مطیع آمر اولوب دریای لشگر

دیدى لَبَّيْكَ لَبَّيْكَ جان بسیجی

قویوب یوز عرصه جنگ و جهاده
دوشوبدور کربلا صحراسی یاده
باتوب قانه مینای کربلاده

نشان بوذر و سلمان بسیجی

سلام ای مرد میدان شجاعت

سلام ای شیرمرد با شهامت
سلام ای حامی دین و دیانت

او ضرب و شصتوه قربان بسیجی

آدوندان دشمن کافر آسردی
مَهبیون زهره قلبین کَسردی
و لیکن ادعان چوخ مختصری

ایدر خالق سنه احسان بسیجی

اولوبسان افتخار مُلک ایران
دایاندون صحنه ده چون شیر غُرّان
بو یولدا باغلادون بیر قانلی پیمان

او پیمان اوسته قویدون جان بسیجی

او پیمان حفظ ناموس و شرف دور
دفاع از میهن و ایمان هدف دور

بو یولدا عاشقانه جان به کف‌دور

همیشه هر زمان هر آن بسیجی

داغوتدون دشمنون نظم و نظامین

پوزوبسان نقشه‌سین چرکین مرامین

آپاردون شرق و غربون احترامین

چکوبسن خطینه بطلان بسیجی

اولوبدور حجله‌گاهون قانلی سنگر

باتوبسان قانه چون عباس و اکبر

آخاردی پیکروندن قان سراسر

یازاردی زنده باد قرآن بسیجی

بسیجون شهرتی دنیانی دوتدی

آتوب دنیا داشین عقبانی دوتدی

بسیجون ناله‌سی صدامی دوتدی

کمک ایستور بو گون سندن بسیجی^۱

گلور موشک سسی توپ تاکاتاکی
سینان کاخ فهددور شاکاشاکی
وئرور دنیا بو گون ایرانه حقّی

دیوللر مَرَحبا ایران بسیجی

یهود سکتہ ایدور موشک سسیندن
فهد زاغ زاغ آسور توپ گلوله‌سیندن
ئوزی ویردوخ دیر ئوز کلّه‌سیندن

قالوب آل صباح گریان بسیجی

۱ - در حملهٔ عراق به کویت که آمریکا و بعضی از کشورهای اروپائی شرکت داشتند ، صدام از ایران تقاضای کمک کرد.

بیوک شیطان قوروب جنگون بساطین
 تباہه دوندروب خلقین حیاتین
 جریدور مسلمین اوسته شیاطین

ایشید آماده اول هر آن بسیجی

وئرنده جان دیردی رهبریندن
 گلردی ذکر یا رب لبلریندن
 یازاردی « اکبری » غم دفتریندن

فدای مکتب و قرآن بسیجی

*

معلم دور

حريم علمه گوزل پاسبان معلم دور
صفای محفل روح و روان معلم دور

بویوردی ساقی کوثر علی ولیّ خدا
کیم اورگده منه بیر کلمه نی به لطف و رضا
ایدوبدی بنده منی اول بدون چون و چرا

عزیز اولان بلی هر بیر زمان معلم دور

مقام علمی بیان ایلوب توی الله
دیمه بیر حدّده دور فکر جاهل و دانا
چکر سعادتہ انسانی علم با تقوا

همین بو علمه وئرن تازه جان معلم دور

بو گون که عصر تمدّن دور عصر صنعت دور
به لطف علم بشر غرق ناز و نعمت دور

قدم قویان بو یولا همره سعادت دور

بو خط سیری چکن بی نشان معلم دور

گر اولماسیدی معلم ایتردی نسل بشر
جهالتیله فنایه گیدردی سرتاسر
بو گونکی صنعت و تکنیک دن یوخیدی اثر

بو کاروانه بویوک ساربان معلم دور

جهالتون ابدی ریشه سین قازان کیم دور
غُروریلن علما رُتبه سین یازان کیم دور
او دیو جهل چکن نقشه نی پوزان کیم دور

جهالتون کوره گین سیندران معلم دور

گوزلدور علمیه تقوا جمع اولسا بیر یرده
چکر سعادتیه انسانی حتماً آخرده
دوباره «اکبری» یاز ذکر اولونسون هر یرده

گل ئوزلی غنچه لره باغبان معلم دور

معلم

کلامت دُر پنهان است معلم

نگاهت مهر رخشان است معلم

جهالت گر بود تاریکی شب

بسان ماه تابان است معلم

بود تعلیم تو از روی رحمت

کلام و ذکر احسان است معلم

خوش آن محفل که روشن از تو گردد

رُخت چون شمع سوزان است معلم

همان روزی که خلقت را بنا شد

به نامت عهد و پیمان است معلم

بود احسان تو بر نونهالان

تو را فرمان قرآن است معلم

ز من پُرسند معلّم کیست گویم
 ز خیل قهرمانان است معلّم
 تو شُغل انبیاء را برگزیدی
 پناهت حیّ سبحان است معلّم
 بُود روز تو ایّام مُطهر
 شهیدی ز اهل عرفان است معلّم
 به خون آغشته شد در سنگر علم
 چه خونین پیکر و جان است معلّم
 بُود بر هر کسی جاه و مقامی
 مقامت باغ رضوان است معلّم
 کسی را گر بود رهبر چنانی
 ببین تا در چه دوران است معلّم
 چه گوید « اکبری » در مدح و شأنت
 که مهرت بر دل و جان است معلّم

آکینچی

سن سن یتیشن رُتبه شایانه آکینچی

آحسن او گوزل قدرت ایمانه آکینچی

اسلامی وطن ائللرینون سوگلی سن سن

گلزار محبت باغنون بُلْلی سن سن

شانلی وطنون گلشنینون خوش گلی سن سن

سن سن یتورن فخر بو ایرانه آکینچی

آحسن او گوزل قدرت ایمانه آکینچی

آک بوغدالری آریانی چوللر چمن اولسون

چوللر دولوسی سوسن ایلله یاسمن اولسون

کس خارو خَسین ریشه سین آیدین وطن اولسون

سن سن یاراشق باغیله بُستانه آکینچی
 أحسن او گوزل قدرت ایمانه آکینچی

هکتارده اون اوش تن دیولور بوغدا گوتوردون
 دوخسان توناجان پانبوغیله آلماییتردون
 حقّا که کشاورز آدینی عرشه یتوردون

درد ائتمیه اول پنجه مردانه آکینچی
 أحسن او گوزل قدرت ایمانه آکینچی

هر ملت اگر ایستیه آزاد اولایلسون
 وابسته لوقین قیدینی لازمدی که قیرسون
 دشمن قاباقندا اوجا بوی داغ کیمی دورسون

گذدیر آتوی سنده بو میدان آکینچی
 أحسن او گوزل قدرت ایمانه آکینچی

ایش سنگرینون رُتبه سینی کارگر آلدی
 قان سنگرینی جبهه ده اول شیر تر آلدی
 بیرلیک گوجی خصمون جانینه زلزله سالدی

سنده اوخووی آت گله شیطانہ آکینچی
 احسن او گوزل قدرت ایمانه آکینچی

هر تُخمی که آکدون ایله بیل بیر اوخ آتوبسان
 دشمن گوزینه دگماخ همان کامه چاتوبسان
 آنون ترینی جبهه ده کی قانه قاتوبسان

وحشده دی سندن دل بیگانه آکینچی
 احسن او گوزل قدرت ایمانه آکینچی

یاز گَلماخ همان باغچه لرون گَلنه جاقدر
 بستاندا کی بُلبل اوخویوب دیلنه جاقدر

سالخوملریله میوه‌لرون سالانا جاق‌دور

هر یر دونه‌جاق شانلی گلستانه آکینچی
آحسن او گوزل قدرت ایمانه آکینچی

تولیدوی آرتورگله قوی عزّتون آرتسون
اسلامی وطن ائللر ایچیندا باش اوجاتسون
مصرفدن اضافه قالانین خارجه ساتسون

باخ « اکبرینون » یازدوقی عنوانه آکینچی
آحسن او گوزل قدرت ایمانه آکینچی

*

گِنه قیش گلدی

گِنه قیش گلدی ، کولاک گلدی ، بوران قار قاپونی کسدی
شَخته‌لی یلرلر گِنه آسدی ، گنه داغ داشلارمیز آق

گیمین گیدی گوموش تک بوزارولار

گِنه قیش گلدی گوزل فصل دور دولتلی لره پوللی لره

بیر داخی ثروتلی لره ، ایستی اُجاق عالی اطاق

دادلی یماق ، جور به جور انواع طعاملر دوشنوب

کیف چکه جاقلار ، بسدی دینجه ییه جاقلار ایچه جاقلار

تاریله تنبوريله . ویدیوئيله . هم رقصيله آوازيله

ئوز وقتلرینی صرف ایده جاقلار

بیله حالتده بو فرصتده قیشون شَخته‌سی

نیلر بولارا ن قدر آسه قوی آسون بولا ک لر

ئوزی بیر کیف دور بولار

گنه قیش گلدی کولا ک گلدی بوران قار قاپونی کس دی

شخته لی یل لر گنه آس دی ، گنه داغ داشلار میز آق

گیمین گیدی گوموش تک بوزارولار

گنه قیش گلدی ، کاسب ماتمه باتدی سویوخ

دخمه ده یاتدی نه نوعی سحر ائتدی ، نفت قوتاروب

یوخدور کومور . منقلی بوشدور ، کورسی سویوخدور

قاپونون بو یری آچوخ دور ، بو نه جور ایودور که

هیچ شیشه سی یوخدور ، اوشاقلار دوزولوب

یان یانا که هیچ بیر سای یوخدور . بیرینون

کونکی یوخدور . بیرینون بورکی جریخدور

بیری سسلور آیاقیم دوندی سویوخدان

گنه قیش گلدی کولاک گلدی بوران قار قاپونی کسدی
 شخته لی یل لر گنه آسدی ، گنه داغ داشلارمیز آق
 گیمین گیدی گوموش تک بوزارولار
 گنه قیش گلدی نه گوزل دور بو سویوخدا بولاک ده
 یوخسول لارمیز یاد اولونا غصّه دن آزاد اولونا
 دردینه درمان اولونا ، هامی لوتلر گینه ایستی لباسه
 هامی دوره اُتوره ایستی اُجاقه
 گُلشون غنچه سی بیرده اوتورا هامی دوداقه
 هچ دَدَه آخشام آلی بوش گلمیه ، هچ گُل سوسوزیندان
 سارالوب سولمیا ، هامی ایولرده محبّت گُل آچا
 سوسن آچا سُنبل آچا انشاء ...



تَشَر اوغلان

چوخ شیشمه گلن گوزله کوپرسن تَشَر اوغلان

بیر گون آیلوب حَقّی تاپارسن تَشَر اوغلان

بیجایره پوز وئرماقیلن شانون اوجالماز

ریشهن کج اولا شاخه لرون دوز دورا بولمز

یاتمیش گوزیلن دوز یولی بیر کس گوره بولمز

بیر گون یتیشر سنده قانارسن تَشَر اوغلان

ئوز ائتدوقوی اوندا دانارسن تَشَر اوغلان

قالقان دگلن یل قاباقندا آیتلرسان

پیس چومچه کیمی هر آش ایچیندا قاتیلرسان

چرت قوز کیمی هر کلمه باشی بیر سوز آتیرسان

برک گوندا قاچوب گوزدن ایترسن تَشَر اوغلان
 چوخ شِشمه گِلن گوزله کوپَرسن تَشَر اوغلان

اَوَلده جوشوب بوقلمون تک قیزاریرسان
 آغزون آچیلور گوز یومولور قورده دونورسان
 بیر وقتده خجالتلی بوزاو تک بوزاریرسان

آخرده گیدوب آلدن اوپَرسن تَشَر اوغلان
 چوخ شِشمه گِلن گوزله کوپَرسن تَشَر اوغلان

چوخ بوینوی دوز دوتما تواضع یولین آختار
 کیم دوتسا ئوزین خُردا اونون عزّتی آرتار
 آلچاق یر ایچر سو ، اوجا یرده باخار آغلار

آلچاق لوقيله فيضى تاپارسن تَشَرَّ اوغلان
مقصود آتيني اوندا چاپارسن تَشَرَّ اوغلان

گور بير آغاجون بار گتورن وقته کمالين
آگدی باشيني گورميه بير کيمسه جمالين
آرتوردی تواضع آغاجون جاه و جلالين

عاقل لشه سن سنده بولرسن تَشَرَّ اوغلان
ئوز ائتدوقوه اوندا گولرسن تَشَرَّ اوغلان

دَم وورماگین صاحب علم و هُنرم من
هر رشته ده هر فنّ ده صاحب نظرم من
منطق ده اگر گلسه قباقه آزرَم من

بو من ، من شیطاندی نه من سن تَشَر اوغلان
بیجا بو یولی ازبَر ایدوبسن تَشَر اوغلان

ابلیسی قاقان کبر و غرور اولدی عزیزیم
قارونی یخان منطق روز اولدی عزیزیم
چوخ بوینی یوغونلار یری گور اولدی عزیزیم

فکر ایلپه سن عبرت آلارسان تَشَر اوغلان
یوخسا ئوزوی درده سالارسان تَشَر اوغلان

*

مُحِبَّتَدَن دَانِش

ای بشر انصاف ایله مهر و مُحِبَّتَدَن دَانِش
تابع حَقَّ اولِگَلَن حَقَّ و حَقِیقَتَدَن دَانِش

خواب غفلتَدَن آیل گور خلقتون آسرارینی
خودسرانه بوشلاما ئوز نفسوین آفسارینی
هر یره باخسان گوررسن خالقون آثارینی

معرفت کسب ایله آللهه فَرَاستَدَن دَانِش
غافل اولما ای بشر شوق عبادتَدَن دَانِش

فانیدور دنیا بولورسن هچ کسه ائتمز وفا
ائتمیوب عمر ایلمز دائم نه شاه و نه گدا
زنده قالماز بیر نفر دنیاده باقی مُطْلَقَا

فانیه دل وئرمه انسان ، معنویتدن دانیش
آخرت فکرینده اول روز قیامتدن دانیش

اوندا که اعمالوون هر ذرّه سی اعلام اولار
ائتدوقون هر بیر گناهه اوردا پیس فرجام اولار
اولسا اعمالون گوزل قلبون دلون آرام اولار

ایمدیدن فکر ایلوب دین و دیانتدن دانیش
باخما شیطانیه دیور شیریندی غیبتدن دانیش

ای اسیر مُد آیل ، وی پُست و عنوان بنده سی
آل گوتور کبر و ریادن اولما شیطان فحله سی
عیبیدور تعظیم ایده شیطانیه یزدان بنده سی

منطق و بُرهانه باخ فضل و کرامتدن دانیش
خالص ائت اعمالوی صدق و صداقتدن دانیش

واردولار بیر عدّه لر فقر و فلاکت خسته سی
ناز و نعمتدن اوزاخ دوشموش شماتت خسته سی
علمه چاتمور آلّری جهل و جهالت خسته سی

بی تفاوت یوخلاما ای وارلی همّتدن دانیش
آچدیر احسان سُفره سین سنده سخاوتدن دانیش

چوخلاری جانان گچوب جانان رضاسین آلدیلار
حق یوله تسلیم اولوب حقدن جَزاسین آلدیلار
خادم مخلوق اولوب خالق رضاسین آلدیلار

قورتاروبلار ملّتی بند اسارتدن دانیش
آچ شهادت دفترین قانلی شهادتدن دانیش

دل بیوک دشمندی انسانه اگر رام اولماسا
حدّ و مرزیندن داشار دریالار آرام اولماسا
باش گیدر دار اوستونه دل قلمه همگام اولماسا

« اکبری » شعرونده سنده معنویتدن دانیش
آیریلوخ فکرینده اولما رمز وحدتدن دانیش

**

*

امامت گونودی

نه گوزل گونودی بو گون نور هدايت گونودی
حُرمتين ساخلاڭلن شيعه شرافت گونودی

دینی احیاء ایلوب نعمتی اتمامه وئروب
اهل اسلامه بو گون مِهْر ولایت گونودی
آخرین حجتی اتمامه وئروب ختم رُسل
خُم چولوندا جمع اولوب امت اجابت گونودی
بیر پیام سیزه واردور یتورم درک ایده سوز
حکم لله دی سیز خلقه سعادت گونودی
دایانوب قافله یکسر جمع اولوب گوش بزنگ
هامی حیرتده دیور هانسی بشارت گونودی؟
دوهر مَحْمِلینی جمع ایلوب منبر اوچون
چخدی پیغمبر اوجا منبره آیت گونودی

حمد لِلّٰه ایدوب خُطبه سین ایراد ایلوب
 مرتضانی تانیدوب خلقه دلالت گونودی
 جانشین تعیین ایدوب ئوز عم اوغلون ئوزینه
 اُمّته روشن ایدوبدور که امامت گونودی
 منی مولا تانیانلار تانیسون ئوز آقاسین
 حُرمتین حفظ ایلون سیزلره رحمت گونودی
 بو رسالت که یتوبدور منه اَللّٰهُمَّ
 سیزه ابلاغ ایدورم حَقّی وصایت گونودی
 هر کس اینجتسه علینی منی ناشاد ایلوب
 کیم علینی سُوّه محشر اونا لذّت گونودی
 چنگ وور دامن مولایه کَرَم صاحبی دور
 « اکبری » عیدوی آل سنده شفاعت گونودی

اوروجلوق

گَر اورگلره مهر و وفا اوروجلوقدا
دوئر جنانه جهانِ خدا اوروجلوقدا

نزول ايدر يره گویدن ملائک رحمت
سلام ایدله خدایه ندا اوروجلوقدا
نفسده چکسن اگر ، بولگن عبادتدور
ایددور خالقون احسان سخا اوروجلوقدا
اوروج مَئیمدی دیدی آجرینی ئوزوم وئره رم
تاپولماز اهل وفاده ریا اوروجلوقدا
ییبوسان اون بیر آیی ایچموسن لذائذن
بیر آیدا گل آز ایله اشتها اوروجلوقدا
آجالسان آجلاری سال یادوه سوسوزلاریله
گَرک غنی اولالار بینوا اوروجلوقدا

نقد ر اوزاخ گزه سن ای منیم یازوخ بندم
 گنه گلوب آلا جاقسان شفا اوروجلوقدا
 دیلون گوزون هاموسی گوزلیه محارمین
 تمام عمل لرون اصلاح اولا اوروجلوقدا
 غرور و کبر و حسد دن بری ایله ئوزیوی
 بو درد لره اولوناندور دوا اوروجلوقدا
 بو آیدا قانه باتوب اولمچی رهبریمیز
 گیدنده سجده اول با وفا اوروجلوقدا
 منافق ائتدی حواله قلنجی ضربتیلن
 بویاندی قانه شه لا فتی اوروجلوقدا



قوجالوق

هانی بیر حالیمه یانان قوجالوق
نه تز تاپدون منی امان قوجالوق

هله منیم نه وقتیمدور قوجالوم
آرزوم بودور اصلانلردن باج آلوم
فکرون بودور جوانیکن قوجالوم

هله تزدور منه اینان قوجالوق
آیری لوق مرکبین مینان قوجالوق

مگر من بو دنیاده نه گون گورموشم
نه وقت فرحلتوب دوران سورمیشم
هیش گوروبسن بیر اورگدن گولمیشم

یوخدور اورک سوزین قانان قوجالوق
تاپولمور بیر جانندان یانان قوجالوق

آغارتدون باشیمی اگدون بلیمی
 قوروتدون چشمه‌می آخار سلیمی
 ایمدیدن باغلادون آغزی دلیمی

هچ سنی دوغمیدی آنان قوجالوق
 جوانلوق گونلرین دانان قوجالوق

فلک منی گور نه گونه سالوبدور
 هر نه ویروب یش گون صورا آلوبدور
 آرزولریم اوره‌گیمده قالوبدور

سنده بیر نچه گون دایان قوجالوق
 کیمدور بو گونلری سایان قوجالوق

گوزوم نوردن دوشوب گوره بولمورم
 آغاران ساچلاری هوره بولمورم
 دیزلریمدا آسور دورا بولمورم

ایدوبسن قَدمی کمان قوجالوق
پوزولوبدور حالیم یامان قوجالوق

هچ بولموردوم بو تزلوقدا گلرسن
آق توزوی باش گوزومه آلرسن
« اکبرینون » جوانلوقون آلرسن

ساخلاسون یاسوی آنان قوجالوق
هانی بیر حالیمه یانان قوجالوق

*

جواب قوجالوق

یوخ بی نفر یتن داده من نیلوم
عمری وئردون گیتدی باده من نیلوم

بیر وقت اوشاقلوقه باشوی قاتدون
آغاش مینوب آت یرینه اویناتدون
آنا لای لاینه خورآنوب یاتدون

ایمدی یتمور بیرى داده من نیلوم
عمری وئردون گیتدی باده من نیلوم

جوانلوق نعمتین قدرین بولمدون
آغلار گوزون آخان یاشین سیلمدون
شکسته دلرون گوگلین آلمادون

هر بیر زادی دوتدون ساده من نیلوم
عمری وئردون گیتدی باده من نیلوم

من دیمدیم عُمُر بوی یاتاسان
 ئوز باشوی عبث یره قاتاسان
 گوزل عمری اوجوز وجهه ساتاسان

ضرر گوردون بو سؤداده من نیلوم
 عمری وئردون گیتدی باده من نیلوم

من قوناقام هر مجلسه گلرم
 آق توزومی باش گوزلره آلم
 جوانلوق قدرتین سندن آلام

سن سالمورسن منی یاده من نیلوم
 عمری وئردون گیتدی باده من نیلوم

سن دیوردون ایل سراسر یاز اولار
 یاز گونلری منیم حالیم ساز اولار
 فکر ائتمدون یازون عمری آز اولار

قیش یتشوب بو مأواده من نیلوم
 عمری وئردون گیتدی باده من نیلوم

سن دیوردون بو کیف منه قالاندی
 قاریلوخ قوجالوق بوتون یالاندی
 فکر ائتمدون فلک درده سالاندی

دوز چخمادی بو رؤیاده من نیلوم
 عمری وئردون گیتدی باده من نیلوم

*

ای پیری

نمی‌دانی ز دیدارت که خون گریانم ای پیری

مُدام از دست تو افسرده و نالانم ای پیری

گرفتی قدرت تاب و توانم را نمی‌دانم

کجا رفت آن توانایی چنین لرزانم ای پیری

چرا افشانده‌ای گرد سفیدی بر سر و رویم

نگفتی آرزو دارم من هم انسانم ای پیری

هزاران ایده‌ها در دل نهان دارم به اُمیدی

دمی مُهلت بده بر این دلِ سوزانم ای پیری

گذشت عمری به نادانی و جهل و خودپرستی‌ها

هنوز آندر تب نادانی و عصیانم ای پیری

به غفلت طی شده عمرم فنا کردم جوانی را
 همه‌اش چند روزی‌یه در همّت جبرانم ای پیری
 نه بر خلق خدا خدمت نه بر خالق عبادتها
 ندارم توشه‌ای بهر سفر عُریانم ای پیری
 بزرگان دائماً با وقت قبلی می روند جایی
 تو لیکن ناگهانی آمدی بر جانم ای پیری
 تو هم لج کرده‌ای با «اکبری» از روی خودخواهی
 ولی من بر سر آن عهد و آن پیمانم ای پیری

*

اُشتبِین

ای اولان عارف گوزیندا دُر پنهان اُشتبِین

ای صفای عارفان ای ماه تابان اُشتبِین

گوز باخور هر سَمْتُوه گُل دور چیچک دور لاله دور

هم گوزل دور داغلارون هم باغ و بُستان اُشتبِین

دورد طرف داغلار چکوب آغوشینه انداموی

چون نگین آلموش آرایه لعل و مرجان اُشتبِین

باغلارون باغ اِرم دور یا که اشجار بهشت

گورمیو بدور بو طراوت هچ گلستان اُشتبِین

کیم « هراسی » گورمسه بولمز صفاسین لذتین

جَنّت شَدّاد دور یا باغ رضوان اُشتبِین

ییلاقون وصفنده عاجز قالدی مردان بزرگ
 من نه جور حلّ ایلیم بو آمری آسان اُشتبین
 مسجد و محرابوی هر کس گورور تحسین ایدر
 ای دیانت عاشقی ای بحر ایمان اُشتبین
 اوّلین گوندن که دارُالمومنین آدلانموسان
 هر گون آرتور سنده کی تقوا و ایمان اُشتبین
 اهل ایمان و یقین سن مرحبا ایمانوا
 یوخدور اخلاصوندا هم بیر ذرّه نُقصان اُشتبین
 شُهرتون واردور حسین نوکرلوقندا مرحبا
 دوستدار عترت شاه شهیدان اُشتبین
 دامن پاکوندا سن عارف «نباتی»^۱ بَسلدون
 شاعر عرفانی و مرد سُخندان اُشتبین

۱ - حکیم سید ابوالقاسم نباتی . عارف و شاعر بزرگ قرن دوازدهم
 هجری قمری در اُشتبین می زیسته و شهرت جهانی دارد.

مرز لردن سُهرتی آشدی یایلدی هر یره
 سندن اِلْهامین آلوب اول مرد میدان اُشتَبین
 سنده پول لر خرج ایدوبدور طاهری^۱ احسان اوچون
 قابل تقدیردور اول مرد احسان اُشتَبین
 بِش باغین وقف ایلّدی تاریخدا ثبت اولسون گرک
 گور نقدر ایستور اولآ آباد و عمران اُشتَبین
 دامنوندا « اکبری » قرخ ایل گیچرتدی عُمَرینی
 قیل حلال ئوز حقّوی گل ایله احسان اُشتَبین
 چو خودور حقّون بوینوموزدا ای صداقت اولکەسی
 ایلرم تعریفوی تا منده وار جان اُشتَبین

۱- آقای حاج علی طاهری یکی از خیرین منطقه می‌باشد که در جهت عمران و آبادانی اُشتَبین خدمات ارزنده‌ای انجام داده است.

بیوفا گوردوم

دلا عمریمده دنیانی آزلدن بیوفا گوردوم

وفا دنیاده یو خدور بلکه چوخ جور و جفا گوردوم

دیه لّر هچ کیمون یانماز چراغی صبحه تک بوردا

قدیمی بیر مئل دور بو مئل اما بجا گوردوم

کیمون پش گون یوزی گولدی صورا پوزدی فلک حالین

که هر بیر طوی بساطیندن صورا بزم عزا گوردوم

آزلدن مؤمنه زندان اولوبدور بیوفا دنیا

ولی هر مؤمنی تقدیر معبوده رضا گوردوم

همیشه فکر ایدردیم بس گلون عمری نیه آزدور

یتن هر بیر جوابی بو سئواله ناروا گوردوم

صورا بولدوم که گُل معبودیدن لبخنددور خلقه
 او بو دنیاده یرلشمز اونی بی انتها گوردوم
 دوباره سیر ایدر معشوقینون قُربنده یر تاپسون
 اودور که گُل لرون عمرین بو دنیاده فنا گوردوم
 چکور ئوز کامینه تُپراق گوزل انسانلاری هر دَم
 غم هجران یارانه نه قدری مبتلا گوردوم
 گیدیر یاران و همراهانیمیز بیر بیر بو مَحفلدن
 قوتارماز بیر سفردور بو سفر بی انتها گوردوم
 مگر آل عبایه نه وفا ائتدی بیزه ائتسون
 آزل گوندن که گوز آچدیم او مولایه عزا گوردوم
 حسینون کربلا سیندن دیسن هاردا دولر گوزلر
 اودور که کربلانی دائماً غرق بلا گوردوم

اولوبدور کربلا میقات عشاق شه خوبان
 فضای محفل یاران عشقی با صفا گوردوم
 وئروب یتیمیش ایکی قربان رضای عشق معبوده
 همیشه عاشقان صادقی بی ادعا گوردوم
 دیدی یا رب بو قربانلار سنوندور گر قبول ائتسن
 حسینون منظرینده هر غمی لطف خدا گوردوم
 حسین خادمترین یاددان چخاتماز روز محشرده
 بو درگاه صفانی « اکبری » باب عطا گوردوم

**

بای ذنب قتل

آیری بیر غم یوز وئروب ایرانه یا بن العسگری
جذوون باتدی ضریحی قانه یا بن العسگری

بیر جنایت یوز وئروب شرم ایلیور یازسون قلم
گور روادور قتلگاه زایران اولسون حرم
حُرمت آمن حریمی سیندیروب اهل ظلم

باتدیلار زوآرلر آلقانه یا بن العسگری

تابع قرآن اولان تکذیب قرآن ایلمز
کعبه آمالی اول قانیله آوان ایلمز
بی گنه انسانلاری آلقانه غلطان ایلمز

بو اهانت دور یقین قرآنه یا بن العسگری

بو جنایت قلب زهرانی او گون قان ایلوب
 یاندیروب قلب رضانی دیده گریان ایلوب
 بولمورم ناکس مُناققر نه عنوان ایلوب

سن ئوزون ایله قصاص . عدوانه یا بن العسگری

باخیموبلار که بو گون جدّون حسینون یاسیدور
 شاهدان کربلانون عصر عاشوراسیدور
 قوْزانان صحن رضاده یا حسین غوغاسیدور

اود ووروبلار سینّه سوزانه یا بن العسگری

در تاریخ ۳۰ خرداد ۱۳۷۳ مطابق با عاشورای سال ۱۴۱۵ به خاطر
 بُمب‌گذاری در حرم حضرت امام رضا علیه السلام که چندین نفر از
 زائرین حرم شریف به شهادت رسیدند ، گفته شد.

السلام عليك يا انصار دين الله

ای وئرن ئوز جانینی قرآنه قربان ای شهید
محترمسن ملت ایرانه هر آن ای شهید

سن حسینون مکتبندن درس ایمان آلموسان
مکتب عشق و شهادتدن نه عنوان آلموسان
جان وئروب اسلامه خاطر عهد و پیمان آلموسان

جاودان دور باغلا دوق عهدیله پیمان ای شهید

باخما بیر عده مرامیندن دونوبدور دللری
ایستیور پامال ایده حق اوسته آخدوق قانلاری
حق ئوزی رُسوا ایدر یولدان چخان خائنلری

ناگران اولما کمک دور حیّ سبحان ای شهید

آند ایچوبدور قَلَمه خالق ئوزی ایله نظاره
حُرمتین ساхлаماقی تاپشوروب هر خُرد و کباره
ولی بیر عَدّه ساتوبدور قَلمین مارک و دُلاه

یازدیلار هر نه یالان تَهْمَت و بُهْتان ای شهید

ای ووران اصلاح آدیله دینه ضربت شرم ایله
دین ئوزی اصلاح اوچوندور وورما تَهْمَت شرم ایله
هاردادور دین اوردادور اصلاح و رحمت شرم ایله

آلادوب بیر عَدّه نی مَکْرِیله شیطان ای شهید

واقعی مُصلح او کس دور دین یولوندا جان وئروب
حفظ استقلاله خاطر جبهه لرده قان وئروب
نی او مُزدوری که برلنده گیدوب جولان وئروب

دشمنی خوشحال ایدوب اول روسیاهان ای شهید

اولین مُصلح آزل گوندن شهیدین قانیدور
 ریشه ظلمی قیران یردن شهیدون قانیدور
 دشمنون کاخین ایدن لرزان شهیدین قانیدور

ای وئرن دوران استبداده پایان ای شهید

ملت ایران عزیزا عهدوزه پابسته دور
 عشقیله خطّ ولایتده دوروب دلبسته دور
 فکر بیجا ائتمه سون دشمن که ملت خسته دور

سیز گیدن یولدا واروخ هر لحظه هر آن ای شهید

*

یوسف زهرا علیه السلام

دلم هرگز بجز روی خوش دلبر نمی خواهد
 بجز رُخسار زیبای مَه آنور نمی خواهد
 چنان دل بسته‌ام بر لعل لبهای گوهر بارش
 که کامم شهد شیرین‌تر از این شکر نمی خواهد
 کمان آبروانش بُرده آرام از دل زارم
 که بهر محو دشمن تیر از این بهتر نمی خواهد
 رُخش را کرده پنهان بهر یاران یوسف زهرا
 که دوری بیش از این، این قلب خوش باور نمی خواهد
 ولی در قلب یارانش جایی جاودان دارد
 که غیر از یادِ او یادآور دیگر نمی خواهد
 بتاب ای آفتاب زیر آبرِ ظلمت غیبت
 جهان نوری مُنورتر از این اختر نمی خواهد
 عزیز فاطمه آیا شود روزی که باز آیی ؟
 خدا داند که این دنیا از این بهتر نمی خواهد
 به لطف حضرتش گردیده انشاء مدح مولایم
 به دفتر «اکبری» شعری از این خوشتر نمی خواهد

قطعات

با کمک از بابا طاهر

گَلايم وار دور بَختمدن هميشه
 كه دائم وار آيمده زهر شيشه
 فلك بير ايش گور و بدور هچ سوروشما
 ايشيم آه و فغان اولموش هميشه

باشيمدا آيري بير سودا يوخوم دور
 اگر ئولسمده بيل پَروا يوخوم دور
 اورگدن عاشقم اما آليم بوش
 جانيمدان اوزگه بير کالا يوخوم دور

گوئول فكر ايله آخر آيريلوخ دور
 اينان كه قبر ايويندا رُشوه يوخ دور
 ديوم كه مؤنسون كيم لَر دور اوردا
 ايلان عقرب قارشقا اوردا چوخ دور

آمان او لحظه که قبریم اولار تنگ
 توکگر اوستومه تُپراق و هم سنگ
 آياق اولماز ایلانلردن قاچام من
 آليم اولماز که عقربلن ایدم جنگ

امان او لحظه که قبره قویالار
 باشیم آلتندا داش گرپوش قویالار
 اوزانام قِبله آق گوینگیله
 ایلان عقرب ییوب مندن دویالار

اگر شیر و پلنگ و اردهاسن
 گیدوب آخرده مَحْبَسده قالارسن
 آچار سُفره وجودون قبر ایچینده
 ایلان عقربله عالی غذاسن

فهرست مطالب

مطلب	صفحه
مقدمه	۴
أشتبین	۶
مُنَاجَات	۷
مُنَاجَات	۹
السَّلام علیک یا ابا عبد الله	۱۲
اربعةین حسینی	۱۷
ای حسین جانم	۲۰
گوزل دور	۲۲
زهراده دور	۲۴
سلطان مظلومان	۲۶
ناخدا گلدی	۲۸
گله جاق انشاء	۳۰
ای نگاریم گل	۳۲
ای شاه لا فتی علی	۳۴
یا ابوالفضل	۳۸

- ۳۹ ماه مُحَرَّم گِنه گلدی
 ۴۰ با آهنگ شبانگاهان
 ۴۲ قانيله آلواندی کر بلا
 ۴۶ سلام اولسون سنه
 ۵۰ مهر و وفادن یازاسان
 ۵۲ نام دلرُباسی حسینون
 ۵۵ قَهر طبیعت
 ۵۷ گِلايه
 ۶۰ سیرانسر
 ۶۷ بهار اولدی گِنه
 ۶۹ پیر جمارانه باخون
 ۷۲ ماشاءا...
 ۷۶ حامی قرآن گلدی
 ۷۸ ظَفَر نغمه سی
 ۸۱ عزّت شایان بیزیلن دور
 ۸۵ ائتمک گرک
 ۸۸ پیر جماران گیتدی

۹۱	 قطعه
۹۲	 گُلِ زهرانی تاپشوردوخ سنه
۹۶	 قلعه زندانی یخدی‌لار
۹۹	 قطعه
۱۰۰	 ناحق پایدار اولماز
۱۰۴	 وحدت‌ده‌دور
۱۰۷	 عجایب روزگار اولدی
۱۰۸	 آرزوم بودور
۱۱۱	 زیانکار اولميام
۱۱۳	 گوگ‌لوم
۱۱۴	 قطعه
۱۱۵	 قطعه
۱۱۶	 یالان دنیا
۱۱۸	 آزاده‌لر گلدی
۱۲۰	 دلاوران وطن فاتحانه برگشتند
۱۲۱	 بسیجی
۱۲۶	 معلم‌دور

- ۱۲۸ معلّم
 ۱۳۰ آکینچی
 ۱۳۴ گنه قیش گلدی
 ۱۳۷ تَشَر اوغلان
 ۱۴۱ محبّتدن دانیش
 ۱۴۵ امامت گونودی
 ۱۴۷ اوروجلوق
 ۱۴۹ قوجالوق
 ۱۵۲ جواب قوجالوق
 ۱۵۵ ای پیری
 ۱۵۷ اُشتین
 ۱۶۰ بیوفا گوردوم
 ۱۶۳ بِأَيِّ ذَنْبٍ قُتِلْتُ
 ۱۶۵ السّلام علیک یا انصار دین الله
 ۱۶۸ یوسف زهرا
 ۱۶۹ قطعات - «با کمک از بابا طاهر»



انتشارات احمدی منتشر کرده :

- ۱ - سجده گاه عشق علی مظفری
- ۲ - چهارده معصوم علیه السلام مجید محمدی «هسترودی»
- ۳ - جلوه گاه عشق علی مظفری
- ۴ - یادگار آذری سیف ا... آذری «اردبیلی»
- ۵ - اسرار شهادت مجید محمدی «هسترودی»
- ۶ - وصال عشق بُهلول صحت «مشکینی»
- ۷ - اشک روان جعفر فتح اللهی «مشکینی»
- ۸ - ارمغان تائب (۱) تائب «تبریزی»
- ۹ - ارمغان تائب (۲) تائب «تبریزی»
- ۱۰ - دیوان جوهر المصائب تائب «تبریزی»
- ۱۱ - یادگار محمدی مجید محمدی «هسترودی»
- ۱۲ - دیوان حجازیان سید محمد حجازیان «تبریزی»
- ۱۳ - حادثه کربلا مجید محمدی «هسترودی»

اسامی فروشندگان کتاب «سیرانسر» در تهران و شهرستانها

تهران : خیابان ناصر خسرو ، کوچه حاج نایب ، پاساژ مجید ،

کتابفروشی آقا رضا دهقان تلفن : ۳۹۲۸۰۵۹

تهران : خیابان جمهوری اسلامی ، پاساژ همایون ، طبقه همکف ،

بخش امیر ، آقای امان اللهی تلفن : ۶۴۱۰۹۰۴

تبریز : خیابان شریعتی ، سه راه امین ، پاساژ اُمت

بخش آراز ، آقای حوائجی تلفن : ۵۵۶۹۷۴۸


کرج : رجائی شهر ، اول سه باندی ، فروشگاه لوکس رضا ،

علی اکبری تلفن : ۴۱۹۶۵۷

سرآسیاب فردیس کرج : خیابان امام خمینی ، چهار راه چهارم ،

فروشگاه تبریزیان ، آقای آخوندی

۵۰۰ تومان



ناشر: انتشارات احمدی

تیرن - صندوق پستی: ۱۱۳۶۵/۲۵۵۶

تلفن: ۳۹۴۱۱۶ - ۳۹۰۸۹۹۶

ISBN 964-6797-12-1